



C40-4514

了翁上座請大藏及有
家書置之武州紫雲山
我微笑塔院廬中永
為學者不敢許出院內
當山三世鐵牛機譯



B 64853

大方廣圓覺經大疏中卷之一

終南山草堂寺沙門宗密述

自下大文第二廣明行相有九問答類束爲三初
四問答通明觀行上根修證次四問答別明觀行
中根修證後一問答道場加行下根修證然此三
門前前不假後後必躡前前初門者大乘學
人盡須聞此觀行故云通明然得益則有深淺故
修證者唯指上根上根者但約能入之人非配法
門局定如法華第一周聞則普聞悟唯鶩子文中
四一開示觀門同佛二徵釋迷悟始終三深究輪

迴之根四略分修證之位若約四分科經則從徵釋用心兼此四段總當其解雖有觀成愛斷修證之相但爲成其圓解正同華嚴修因契果生解分也然且依前初中開示身心無性二空理顯根塵諸法普淨普偏見境用心頓同諸佛故文四文三皆如前也今初之初

於是普眼菩薩在大衆中卽從座起頂禮佛足右繞三匝長跪叉手而白佛言

解同前也次陳詞句中三一舉法請

大悲世尊願爲此會諸菩薩衆及爲末世一切衆生

演說菩薩修行漸次云何思惟云何住持衆生未悟作何方便普令開悟

解曰標請修行漸次者由普賢所問幽深如來稱理而答先欲消除心病然後萬行俱修或有聞前說云知幻卽離不作方便亦無漸次謂言知之卽已都不假修普眼智輔如來悲接群品欲使教法圓足請問起行之門如來大悲示其普觀身心根境一一推窮旣見塵淨智圓觸向恒作是念習氣損之又損覺智百鍊百精若能如是思修尅取因圓果滿菩薩發起意在茲焉故慈云大士張教綺

撰述

方丈廣圓集卷之正下第二

互相承若一人請周餘當杜述云何下別列於中先智後悲大乘之人必須具二無悲之智卽墮二乘初中思惟者觀察真妄卽思慧也住持者悟得妙境安住其中持之不失卽修慧也下佇聽佛說生聞慧也從凡入聖必假三慧故普眼爲衆諮詢衆生未悟下問悲也請度生方便云普令開悟者卽同法華欲令衆生開示悟入以開攝示以悟攝入故次下反顯云不能悟入謂大開之與曲示始悟之與終入彼論云開者無上義謂除一切智智更無餘事卽雙開菩提涅槃謂知見之性爲涅槃智見之相爲顯請

菩提衆生本有賢障不見佛爲開除卽本智顯現故示者同義三乘同法身故悟者不知義不知唯一事實今令知報身菩提故入者令證不退轉地故卽是因義謂證初地已上爲菩提涅槃因故此後佛答全用先所顯示如來淨圓覺心爲本以觀人法二空及滅影像無邊虛空覺所顯發覺圓明故顯心清淨乃至等同諸佛卽普令開悟也二反顯請

撰述

法華經疏卷第十一

解曰言無方便思惟則迷悶者意是反明得聞佛說方便思惟卽開悟也言聞此三昧者是前離幻法門也故佛歎普賢汝能爲諸衆生修習菩薩如幻三昧普眼恐末世衆生聞前知幻卽離等言迷悶不能悟入圓覺故請開悟之方便也迷則不悟悶則不入三結牒請

願興慈悲爲我等輩及末世衆生假說方便

解曰假說方便者若以實理而言覺性本來圓滿幻妄本來空無但以不知則謂言定有知之卽離離幻卽覺實無所修然衆生煩惱習重難可頓除

雖知本空未免繫縛是以普眼請佛於無修之中強說修習故云假也然大品經修諸行門皆以無所得而爲方便今卽以離幻爲方便虔誠作是語已五體投地如是三請終而復始

讚許

爾時世尊告普眼菩薩言哉善哉善男子汝等乃能爲諸菩薩及末世衆生問於如來修行漸次思惟住持乃至假說種種方便汝今諦聽當爲汝說

佇聽

時普眼菩薩奉教歡喜及諸大衆默然而聽

如前可知第四正說長行中四一起行方便二觀行成就三頓同佛境四結牒問詞今初善男子彼新學菩薩及末世衆生欲求如來淨圓覺心應當正念遠離諸幻

解曰謂卽指前段中微釋離幻用心以爲起行之本若執法定實則觀行不成故須躡前爲方便矣言正念者則無念也故智論云有念是魔業無念是法印論云離念相者等虛空界又云一切衆生不名爲覺以從本已來念念相續未曾離念故知無念是正念也然正念與離幻反覆相成由離幻

故正念正念故離幻何以故外存有法則內起緣念內有緣念則外見有法心生法生等云云由此雙指在諸行初第一觀行成就文二初戒定

先依如來奢摩他行堅持禁戒安處徒衆宴坐靜室解曰奢摩他此云止止是定義下文釋云至靜爲行定有深淺故標如來揀非麁淺邪小之定若亂心持戒不堪入此觀門故先定後戒亦可文雖先後修無先後堅持禁戒者一向絕緣的不擬犯名曰堅持防禁根門誠約身口故名禁戒戒品雖多統爲三聚一攝律儀二攝善法三攝衆生今意說

撰述

律儀義通餘二律儀戒者謂十無盡取要而言卽唯四重此四清淨則一切枝葉不生佛頂云若不斷婬及與殺等出三界者無有是處安處徒衆者卽同行同見人也行業旣同互相雕琢迭共商量爲長道緣故須安處故寶積經七十二云得人身精進依城邑聚落與大衆共居具四部處更互相與論量佛法學問難答三世佛法平等得現在前解一切法無有自性修此解故煩惱漸除宴坐靜室者宴默也安也坐爲攝身身住則心安心閑境

寂欲住身心故須靜室靜室處衆豈不相違此有二釋一根性不同故或多昏沉藉衆策發或多掉舉宜自息緣非爲一人而行二事二定慧等學故謂圓通觀行要止觀相資須依善友或同見同行終日議論法門無令用心差錯差之毫釐失之千里故淨名云不必是坐爲宴坐也雖同衆住不妨在自房室初中後夜或除論法轉讀便須靜坐思惟聞思修慧圓明豈但申申夭夭故無違也此依定持戒處衆靜坐答住持問二觀慧文二初明二空觀教始後明法界觀教初者衆生曠劫漂沉或墮

撰述

大藏圖書卷之二

六

邪小不成種智者良由二障二障不斷由於二執欲除二執必假二空故於法界文前先作二空觀爲佛教成唯識叙造論意云爲於我法二空有迷謬者生正解故生解爲斷煩惱所知二重障故斷障爲得菩提涅槃二勝果故文中二初破執後顯

理執卽我法理卽真如能破能顯卽二空智品初中我謂主宰如國之主有自在故及如輔宰能割斷故主是我體俱生宰是我用分別所謂有情者意生者摩納縛迦者養育者數取趣者命者生者士夫

者作受知見者依蘊計此名爲我執於中三類二卽蘊計我此見差別有二十句

色是我我有色色屬我在色中受等亦

六十五句

以色列爲我餘四一一是我

復有九種一通二的三生四不五色皆分別起此依一切

異生而論非依一人具有此計矣

二離蘊計我謂

西國外道計我體常而量周徧或雖常而量不定

或體常細如極微三俱非卽離謂小乘宗續子部等五種藏中第五不可說藏也法謂軌持能生物

解任持自性故謂凡夫及外道小乘皆執離心有定實法通明我法二皆空者但依識所變故變謂

識體轉似二分相見俱依自證起故依斯二分施設我法彼二離此無所依故或復內識轉似外境我法分別熏習力故諸識生時變似我法諸有情類無始時來緣此執爲實我實法如幻夢者幻夢力故心似種種外境相現緣此執爲實有外境問云何應知實無外境唯有內識似外境生答實我實法不可得故釋此二空卽分兩段一我空二法空初我空者卽蘊離蘊非卽非離皆非理故卽蘊我者我應如蘊非常一故又內諸色定非實我如外諸色有質礙故心心所法亦非實我不恒相續

待衆緣故餘行餘色亦非實我如虛空等非覺性故離蘊我者應如虛空不隨身作受故應非常住如橐籥風有卷舒故應非常一如旋火輪有往來故俱非我者計依蘊立非卽離蘊應如瓶等非實我故又所執我爲有思慮爲無思慮若有思慮應是無常非一切時有思慮故若無思慮應如虛空不能作受故所執我理俱不成卽我空也今此文中破卽蘊我一切異生多計此故文又分二一觀身無我二觀心無我夫計我者旣皆因五蘊五蘊自相唯身與心今且大段開之然始別別分析如

撰述

大藏經卷之二

八

此馳逐妄計何逃然約我爲總則身心爲別若約身爲總則色心爲別故說蘊者總有其三謂廣中略廣者八蘊謂色四地水火風心四受想行識中者五蘊略者二蘊所謂色心故有經云如擊重擔三科開合如下所明今初觀身身爲諸愛根本了之虛妄則一切煩惱自除如其耽著則起無量過患故淨名因疾廣說無常

無強力堅等速朽不可信苦謂苦惱病集空如沫泡焰蕉幻無我無主我壽人如地火風水又空無知無作穢滿必滅夢影響雲電

病惱老逼如毒蛇等勸令患厭涅槃亦云寧丸大地如荅塵子不能具說此身過患又云

第三十二因說有智

慧者重造輕受廣述修集身戒心慧名爲有慧反此愚癡不修身者不能觀身及觀色相於非身中而生身相貪著我身不斷我見不能深觀是身無常無主危脆念念滅壞是魔境界不能觀身雖無過咎而常是怨如所事火如所養蛇遇緣滅壞都不憶念往日供給衣食之恩譬如杯鉢如臃未熟金光明亦云我從久遠持此身臭穢膿流不可愛供給敷具并衣食象馬車乘及珍財變壞之法體無常恒求難滿難保守雖常供養懷怨害終歸棄我不知恩智論亦云難御無反復背恩如小兒文中二初尋伺觀後如實觀先

因尋求伺察方見如實之理故今初恒作是念我今此身四大和合所謂髮毛爪齒皮肉筋骨髓腦垢色皆歸於地唾涕膿血津液涎沫痰淚精氣大小便利皆歸於水煖氣歸火動轉歸風四大各離今者妄身當在何處

解曰恒作是念者行住坐臥一切時中常如是觀也我今此身者執受既堅故偏觀也四大和合者堅濕煖動假合爲身髮毛等者自外之內次第觀也精氣者氣卽是精故屬水大然氣是四大之本不唯是風故水火中亦云氣也動轉者淨名云是

身無作風力所轉謂迷性起心心運風力轉餘三大而有動作作無自性故云無也煖氣可知如是歷觀每大之中又衆多假合卽知無我淨名云四大合故假名爲身四大無主身亦無我又此病起皆由著我旣知病本卽除我想及衆生想今此經文還分四大各歸來處四大皆言歸者此身本合四大成故故寶積經云此身生時與其父母四大種性一類歌羅邏身若唯地大無水界者譬如有人握乾麩灰終不和合若唯水界無地界者譬如油水無有堅實卽便流散若唯地水無火界者譬

如夏月陰處肉團無日光照則便爛壞若唯地水火無風界者則不增長四大各離者正觀之時各有所歸卽名爲離不說命終方名爲離故菴提遮女了義經說生死義云若能明知地水火風四緣畢竟不自得有所和合而能隨其所宜有所說者以爲生義若知地水火風畢竟不自得有所散而能隨其所宜有所說者是爲死義此意正明卽合而散卽散而合故合散之文皆云不自得妄身當在何處者且地有形礙而沉滯風無形礙而輕舉敵體相違水火亦互相凌奪

金光明經亦云地水二蛇性沉下風火二

輕舉
故知四大相違各各差別未審我身屬於何大若總相屬卽是四我若總不屬卽應離四別有我身故云爾也後如實觀卽知此身畢竟無體和合爲相實同幻化

解曰謂因前尋伺見如實之理定知四大非我但約和合假名爲身亦無實體智論十四問云若自身無我而計我者他身無我亦應執我答此俱有難若於他身計我復當難云何不於自身中生計復次亦有人於他物中計我如外道坐禪入地觀時見地卽是我水火風空亦如是復次有人遠行

1 2 3 4 5 6 7 8 9 10 1 2 3 4 5 6 7 8 9 10

獨宿空舍夜見一鬼擎一死屍來復有一鬼來諍

云云卽假和和事也

又只緣計我而爲自身卽以餘身爲他故生難也後觀心無我夫心無自相託境方生境性本空由心故現根塵和合似有緣心內外推之何是其體長輪生死由不了心苟能了之圓覺自現故首楞云狂性自歇歇卽菩提勝淨明心不從

人得文中二尋伺觀

四緣假合妄有六根六根四大中外合成妄有緣氣於中積聚似有緣相假名爲心

解曰四緣等者謂四大和合成於一色

薄酪初七於此

色上方有六根

六七六情開

離此色身根元無體各分

四大色尚不存竅穴六根更何依附六根四大中外合成者四大名中六根爲外和合成此身妄

有緣氣等者由依四大六根和合成身卽有六塵妄現也由此内外根塵引起妄心緣慮不絕念念

生滅剎那不停緣合卽有緣散卽無推其自體了不可得故曰假名爲心此虛妄心雖假緣生不離

真心氣分故曰緣氣言似有者明非實有緣相者

緣慮之相肇公云如有魍魎似有思想鞠兮推兮亦無指掌後如實觀

善男子此虛妄心若無六塵則不能有四大分解無塵可得於中緣塵各歸散滅畢竟無有緣心可見解曰心託六塵塵依四大四大無體六塵卽空故云緣塵各歸散滅緣卽四緣塵卽六塵緣塵既減心體卽空故決判云畢竟無有言緣心者則前緣氣之心也問無塵可得下三句亦說法空何得一向判屬人空答此指緣塵各散正顯心空故結云無心可見身之與心總屬我執金剛三昧亦云令彼衆生皆離心我一切心我本來空寂問實我若無云何得有憶識誦習恩怨等事答諸有情等各

有本識一類相續任持種子與一切法更互爲因熏習力故得有如是憶識等事問誰能造業誰受果耶答諸有情等心心所法因緣力故相續無斷造業受果於理無違問誰趣涅槃答修習無我因緣力故相續相滅故名涅槃由此故知定無實我但有諸識無始時來前滅後生因果相續由妄熏習似我相現愚夫於中妄執爲我第二法空者善男子彼之衆生幻身滅故幻心亦滅幻心滅故幻塵亦滅幻塵滅故幻滅亦滅解曰前於身心之中推求無我故名我空此則身

心及境一一自空故名法空然身等本空非今始滅故經云色即是空非色滅空但以迷時執有今執盡始無義言滅也幻滅亦滅者情計卽見幻生智觀卽見幻滅滅對於生智對於情對待之法皆屬緣生緣生卽空故皆滅也般若心經云無眼界乃至無智亦無得楞伽云一切法如幻遠離於心識智不得有幻滅^{二重}無亦滅而興大悲心然法空義是大乘初門欲使悟之事須委釋所言空者一切凡夫及諸宗計所執外法理非有故凡夫者四生六趣凡厥有情皆爲離心有定實法不由稟學未

無女動失身不淨問世夢寤已卽無今了色如夢
未免見色云何如夢答若得出世對治實智無有
分別如實覺知一切世間色等外法皆是虛妄如
是義者與夢不異由斯多義故云情有言理無者
有三一析色明空謂以假想慧析至極微則色等
空又推極微有方分及無方分皆不可得則極微
空如唯識論徵釋二體色明空謂緣生無性故謂
自他共及無因皆無生理故中論云未曾有一法
不從因緣生是故一切法無不是空者三空中必
無色故謂虛空無有邊際無壞無雜則空中必無

色若有色體空則壞雜以色必不能壞空雜空故
色等皆空也

兼上情有有四門空義也

故諸凡夫所執實法情

雖似有理究則無智者應當違情順理諸宗計者
謂外道餘乘及儒教道教也外道小乘所執諸法
異心心所非實有性是所取故如心心所能取彼
覺亦不緣彼是能取故如緣此覺然西域小乘外
道宗計甚多此方旣無不煩叙破儒道二教此國
攸遵法執異途理宜詳斥雖二宗主設教不同而
皆以虛無自然爲三才萬物之本老云有物混成
先天地生又云道生一一生二二生三三生萬物

又云人法地地法天天法道道法自然易云易有太極是生兩儀兩儀生四象四象生八卦八卦定吉凶吉凶生大業若以自然常徧之道爲因能生萬物此是邪因若法能生必非常故諸非常者必不徧故諸不徧者非真實故本來既是無異一因由何能生別異多果若能生者應頓徧生若待時及緣方能生者則自違一因或時及緣亦應頓起因常有故若謂萬物自然而生卽是無因亦一切時處應常生故若謂一陰一陽之謂道變易能生萬物亦不出邪因無因皆同前破然但破謬執萬

物生因不責勤行五常道德由上所計皆無理趣故自心外無法可得諸心心所依他起故亦如幻

事非真實有爲遣執心心所實有外境故說唯有識若執唯識真實有者如執外境亦是法執故金剛三昧經云一切心相八識并本來本無子本無

本處空寂無生若心無生卽入空寂空寂心地次

下所顯

心真如卽得心空如上執情旣盡心境皆空名法

空也破二執竟

大文第二顯理卽二空所顯真如理也

由前執盡故此理現如雲散月出塵盡鏡明非謂無雲便名爲月但於無雲之處而見月矣非謂無

幻便是真如但於無幻之處見真理矣文中二初法

幻滅滅故非幻不滅

解曰上句躡前下句正顯顯圓覺性本淨圓明獨體全真不因修得衆幻雖滅自性常存不假緣生故云非幻金剛三昧亦云若得空心心不幻化然對前妄盡釋云真如若以本宗但名圓覺後喻譬如磨鏡垢盡明現

解曰雖云磨鏡却是磨塵所言修道只是遣妄夫

鏡性本明非從外得塵覆卽隱磨之則顯隱顯雖

殊明性不異今謂人執法執是垢尋伺如實是磨真心本覺是明人法二空是現觀竟_{二空}自下大文第二明法界觀也文三初印前顯後二拂迹入玄三圓彰法界初中謂印前二空顯後圓通法界文中又二初標

善男子當知身心皆爲幻垢垢相永滅十方清淨解曰上兩句印前下兩句顯後初言幻垢者幻謂虛幻無有實體垢謂塵垢全汚爲名由迷幻相執取繫著全汚淨心故云幻垢諸佛菩薩雖有身心由了如幻不取於相無全汚義故非垢由了幻空

故非幻顯後者根塵諸法十方法界普清淨也此由身心垢曇妄執自他故成局礙今旣我空法寂何所不通後釋文二初喻

善男子譬如清淨摩尼寶珠映於五色隨方各現諸愚癡者見彼摩尼實有五色

解曰由鏡珠二事所喻不同故復標告善男子矣謂摩尼體性瑩淨絕瑕都無色相由性淨故一切衆色對則現中青黃赤白黑五色各各隨方而現然此一喻亦喻印前亦喻顯後言印前者五色喻五道隨方喻隨業愚人不了珠體但見全是青黃

旣見青黃則不見珠體故華嚴云凡夫見諸法但隨諸相轉不了法無性以是不見佛若以三性配者摩尼喻圓成實性卽前所顯之理也現色喻依他起性卽前幻也愚人見定是青黃喻偏計所執性卽前塵垢也若遠取卽前身心等相以此文印定前文之義故指前也言顯後者然此圓珠由彼愚人執其定色所以破色因配三性以印前文若無計執之人卽此珠種種之色一一清淨一同體悉是圓珠妙用應現無體可破以喻後文十方法界一切清淨圓滿不動交參無礙故言顯後然

前之鏡喻但一面明又云因磨而現表二空之理
破執方顯對執得名今摩尼珠本淨本明十方俱
照故以顯後法界之宗也後法

善男子圓覺淨性現於身心隨類各應彼愚癡者說
淨圓覺實有如是身心自相亦復如是

解曰愚癡說有實身心者是顯圓覺雖現非其定
實故論云一切染法所不能染智體不動具足無
漏熏衆生故餘義喻中已具對釋詳之可知故云
亦復如是第二拂迹入玄

由此不能遠於幻化是故我說身心幻垢對離幻垢

說名菩薩垢盡對除卽無對垢及說名者

解曰於中曲有二節先說迹之所以後從垢盡對
除下正拂其迹今聯綿釋之然其迹也相躡而起
亦相躡而拂本以衆生妄執幻化故佛說云幻垢
衆生依教離垢故復說名菩薩幻垢旣如珠中之
色當知本無故云垢盡所離之垢旣無對離之智
何立故云對除旣無對離之智何有起智之人深
淺之執本無何有說教之者故云卽無對垢及說
名者對垢者菩薩說名者佛對機之佛亦不可得
方見法身法身說經義在斯矣然上人法各三三

對六隻盡是所拂之迹也謂法有執垢離垢及與名數人有衆生菩薩及佛問曰人自有差法本無異何說三名答尅體雖無義說卽有爲對人法各分能所故也第三圓彰法界文二初一真法界後三重法界言一真者未明理事不說有空直指本覺靈源也下對諸法圓泯圓收方說三重等別今初

善男子此菩薩及末世衆生證得諸幻滅影像故爾時便得無方清淨無邊虛空覺所顯發

解曰標告及指當根所證者爲欲進顯不思議境

界境亦殊前故却躡前功用明其得入所以發起後之文勢言證得者觀行成就滅影像者依他亦泯無方清淨者約身爲主外見東西肇公云云我相既無更何方所虛空覺顯者然虛空離識亦非實有若言有者爲一爲多若體是一徧一切處隨能合法體應成多一所合處餘不合故不爾諸法應互相徧若謂虛空不與法合應非容受又色等中有虛空不有應相雜無應不徧若體是多便有品類應如色等非徧容受故知虛空亦唯識現故首楞云若有一人發真歸源十方虛空一時消殞謂迷

情所覆覺處見空塵影旣銷空元是覺

魚人迷悟水風性空

顯謂空銷覺現發謂妄盡心開翻覆觀之俱無邊際故首楞又云聞復賢根除塵銷覺圓淨淨極光通達寂照舍虛空却來觀世間由如夢中事

空生覺中

云是知空有雙絕但是覺心獨鑒明明靈知不昧後三重法界者一真空絕相觀二理事無礙觀三

周徧含容觀此中義意全同華嚴法界觀門三重行相故依彼科之仍每重先示觀門後釋經義今初第一真空觀者觀門中有四句前二各四爲八兼後二爲十第一會色歸空觀復四一色不卽是斷空舉體卽

是真空故二毒等非是真空之理無體莫不皆空故三色不卽空空中必無色故又卽是空會色無體故上三句以法揀情以四凡是色法必不異真空以必無性故色空既爾一切皆然第二明空卽色觀亦四一斷空不卽色真空卽色故二空理非青等青等之真空必不異青等故三空是所依不卽色必依所依卽色故上三句亦四空卽是色以是法無我理非斷滅故空色既爾一切皆然第三空色無礙觀謂色舉體全是真空則色盡而空現空舉體不異色全是盡空之色而空不隱爲一味法第四泯絕無寄觀謂此所觀

真空不可言卽色不卽色卽空不卽空一切法皆不可不可亦不可此語亦不受迦絕無寄非言所及非解所到是爲行境以生心動念卽爭法體失正念故初二句入門揀情顯解第三句解終趣行第四句正成行體行由解成行起解絕也示觀門竟後釋經義者文中二一色相空淨二空色同如一中又七一內身根識二外境六塵三外外四大四世間諸法五出世諸法六自他正報七一多依報然觀門云一切法亦然卽此七段是也應云根識卽空不卽空等七中初者

覺圓明故顯心清淨心清淨故見塵清淨見清淨故

眼根清淨根清淨故眼識清淨識清淨故聞塵清淨聞清淨故耳根清淨根清淨故耳識清淨識清淨故覺塵清淨如是乃至鼻舌身意亦復如是

解曰此下皆云清淨者謂由前二空觀門揀情顯解次拂迹滅影同於行起解絕故皆清淨爲真空矣故智論云畢竟空即是畢竟清淨以人畏空故言清淨意言人乍聞空畏其斷滅故餘處說云清淨如大般若一切皆云清淨大品卽直云空空與清淨皆絕相義若就心說卽如淨名經妄想是垢無妄想是淨無妄想卽是空義故此說空云清淨

撰述

大方廣佛經大疏卷之二

二十一

矣由前幻垢已盡能觀之智又亡既合覺心故皆清淨故智論云菩薩於色等法中觀行斷故得如是清淨故名色清淨是淨能破一切法中戲論等覺圓明故者躡前顯清淨之因也由拂汎等故得圓明顯心清淨等者比迷覺心心中執法今見法性卽法皆空故云清淨如人不識珠體但執青黃若見摩尼卽色清淨七段之中文皆同此也然展轉躡前以顯清淨者義如後釋今且銷釋法數名體心者總相明其我心卽賴耶自體成唯識論說第八識種種別名於中有四種名通一切位心卽

一也

三卽阿陀那所知依種子識部

迷時由執藏及能所藏故名賴耶今觀智成就覺性圓明故但云心沒賴耶名矣心旣清淨同無垢識故此下文頓同佛境見塵者由我心計執故見一切色相由執相故卽見聞等是塵不單說外色名塵亦不獨說根識名塵根塵識三自有文故尋此見塵之體還是我執之心但以就取色等生過之處而別立名又亦不離根境識三而別有體如五蘊之法與蘊中之我非別非同此亦如是若以意義配屬卽賴耶中轉相及第七識合爲此見等瑜伽論云賴耶識起必二識

相應故又以六七合爲此見意識緣外境時必內

依末那爲染污根方得生起故

梵云紹利瑟吒耶
此云染污意

與四惑俱名爲染污恒審思量
名之爲意思量卽意持業釋也

故此所列心法無別

別末那起信亦於說梨耶次便說意識無別第七

楞伽亦爾故彼經云略說有三種識謂真識現識分別事識初卽自性清淨心次卽第八現相後卽前六故彼經自釋云攀外境界起前事識卽知事識不是末那然此彼經及起信論皆不別出末那體者據賢首說有二意故一如前說六八必俱二謂無明動真心成阿賴耶外境牽心起執染淨第

七俱無此義故不別說又說計我則合於轉相計我所合於事識

此亦不乖
思量行相

若不連前帶後則顯示

心數相躡生起義不便故眼等根者識所依故能發識故前五各從自種生自現行四大所造淨色爲體意根卽第七識由此攀外起意識故眼等識者隨六根境種類異故由具五義隨根立名一依根之識非由境色識定生故如盲不見等二根所發識由根變異識必變異如眼根損見青爲黃非色壞時而識壞也三屬根之識由識種子隨逐於根而得生故非色種子識種隨也四助根之識由

80 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9

根合識識所領受令根損益非境界也五如根之識根識二法俱有情數非彼色法定是無情根五義勝故說依根雖六識身皆依意轉然隨不共立意識名或名色識乃至法識隨境立名順識義故依未自若依起信皆名意識此六皆依意所起故在位說若依起信皆名意識此六皆依意所起故意之識故故論釋生滅因緣云所謂衆生依心意意識轉故心卽梨耶自體意卽五意以梨耶二義中有不覺義故不覺而起業識能見轉能現現能取

境界

智識相續

意識者卽此相續識此生

麓細雖殊同是一識更無別體故卽指前第五識也

依諸凡夫取著轉深計

我我所非直心外計境爲塵亦復於身計我於塵計所種種妄執計我之離蘊隨事攀緣分別六塵名爲意識亦名分離識依於六識別別取六塵故故經云分爲六和合現在種事相釋曰此五前三合八後二合六由斯前釋體不孤生然八識義相復有多門今略指十五一者通論入皆名心意識別則八心七意前六皆識二者隨相各以自名爲體三科則識蘊意處七心是體也就實統歸藏性三者五緣五塵現量此是實六緣一切三量此是假實七綠賴耶非量是假實八緣根身種子器界實四者皆具四三二分五者八遍非計七計現量此是實第六俱是前五

俱非六者根本煩惱俱生

四鈍二利

分別十具第八全無

第六皆具第七俱生四惑前五俱生三毒其所知

障數同用別

二障下自有文至彼當釋

七業障者第七全無八

有種子餘六現行八者報障則八唯總報前六別

報九者心所恒依心起故與心相應故繫屬於心

緣故心緣總相心所緣總別如畫師資

作模項移等故第八有五所謂偏行

觸作意受思想

七有十八謂

五偏四惑

處見愛慢

八隨沉掉解逸念亂并慧第六皆

具五有三十四謂偏別善全根本三惑中無愧大

隨

同上

十者八七無記六通三性十一者八皆實有

就性皆假十二者眼耳身三二界不全二地全鼻舌兩識

一界一地六七八識通偏界地十三者皆通有漏

無漏十四者依因緣增上

五依五根及六七入六依七入八七八互依及

等無間十五者眼識九緣生

空明根境作意根

識唯從八除

明鼻舌身三七空後三入也

五更除染本染淨分別種子耳

三根境四却取根境二外境六塵

善男子根清淨故色塵清淨色清淨故聲塵清淨香味觸法亦復如是

解曰略啓三門初釋名義次辯體性後顯種類初

有通別通卽塵也復更有名所謂六衰及六無義

皆約凡位亦云六境

此通凡聖

別者眼等所取故名色等對

根明境名色等故次出體者如前六根各自爲體後顯類者色有通別通謂五根五塵及法處色俱名爲色此等皆有質礙義故今則別也謂唯眼所取名之爲色有見有對質礙之相最麤顯故法處之色無見無對餘四及根無見有對略有三種謂

方圓龕細高下正不正也顯形表顯謂青黃等

赤白光影明暗伸取捨聲謂因執受等

及邪正教并可意等香謂好

約境惡准平等非上二

俱生沉等與質俱起和合

衆變易未熟不香味謂苦醋甘辛鹹

淡及俱生等觸謂地水火風冷熱澁滑痛痒飢飽等法者一百數中唯除五塵

已自標列餘皆是法也三

内外四大

善男子六塵清淨故地大清淨地清淨故水大清淨火大風大亦復如是

解曰卽於根塵不取發識牽心之義直取四大之

體也寶積經說四大各二謂內及外

皆無所從來亦無所去也

地界二者內謂自他身內所有堅者强者所謂土石草木等水界二者身內潤性淚汗等身外潤性雨露等火界二者身內熱體熱相能消飲食等身外熱體熱相能成熟等風界二者身內風風體風名速

疾住四大等身外體等而此四大從本已來生時
住時體性俱空體性自離滅性亦離釋曰彼云皆
空此云清淨蓋一義耳然內外四大雖各有種外
起現行必由內變四世間諸法

善男子四大清淨故十二處十八界二十五有清淨
解曰十二處者六根六塵是生識處處是生門義
故亦名爲入意識常昏根塵相入故或唯六數相
對說故十八界者一根門中根識塵三各有界分
故眼與識爲界界等故亦是因義種族義故前爲六二
解者息於業因此是六三觀之治於我執兼之五

蘊卽具三科大小乘宗無不約此以明諸義前說
妄認四大身心及云中外合成等卽五蘊義故此
略之然此三科非各別體開合說者有其三解一
根有三品謂上中下或下中上一樂有三品略及
中廣三迷有三類一迷心所不迷心色故說五蘊
二迷色法不迷心心所法故說十二處三迷色心
不迷心所說十八界然將此三科攝百法者蘊則
色攝十一受想各一行七十三識有其八唯六無
爲非蘊所攝處則五根五塵各一意當八識法八
十二界者五根五塵六識各一意攝二識法八十

二二十五有者四洲四趣四禪四空無想淨居梵王六欲爲二十五此皆是有各約實報非正智攝故然梵王在初禪無想淨居在第四禪四禪位中別舉此者梵王有見外道無想淨居唯聖異餘天故

大方廣圓覺經大疏中卷之一

章門二十有一我空章法空章法界章八識章色章三科章十力章四無畏章四辯章不共法

章三十七品章成佛章四果章不生滅章緣生章業報章三途章人天章四禪八定章上二界章二障章地位章四相章證道章除釋本經外旁通餘義二十有四開示悟入義定慧等學四大成身覺二執過患識變義識三義遺顯法喻摩尼五道佛三寶破空藏識夢義恩愛義染淨

平等入萬四千義恒沙義三覺義五品修十善義不思議義四生義三報義五道實義智無所得義設象指月

義右附錄中

校讎

第三紙二行不知義不當刪

勝出

80

06

100

卷之三

大方廣圓覺經大疏中卷之一

二
ノ
ナ

6

大方廣圓覺經大疏中卷之二

五出世諸法

終南山草堂寺沙門宗密述

彼清淨故十力四無所畏四無礙智佛十八不共法
三十七助道品清淨如是乃至八萬四千陀羅尼門
一切清淨

解曰問世間之法從妄情所變妄盡許萬法全空出世間法真實如何亦言空耶答若凡聖對待卽勝劣全殊若稱法界而觀一種總是幻化皆從緣起無自體故如有一鏡現種種雜穢瓦礫復有一

撰述

大藏經卷之二

五道 涅槃 八知宿住

過去本生本事住宿世故凡但有通聲聞亦明佛卽乘力百千世劫悉遍知故前知前際名隨念趣因此知前際名性苦樂等九知死此生彼卽天

眼智也獨此從所依得名

例上說 通明力十知自解脫無

疑亦知衆生漏盡涅槃然佛力無量今約度人因

緣故但說十足辨其事

初知可度不可二知有障無障三知著味不著四知勝劣五知所樂六知所趣七知解脫門八知先所從來九知生處好醒十知得涅槃又初力

總攝爲度生故於中分別九力四無畏者一正知

一切法謂佛誠言我是一切正智人等

誠實云說二諦故不與世諦故真實論故音心知故不可壞

二盡諸漏及習言我漏盡等

三說一切障道法

誠實云不善及漏善障解脫故四說出苦道聖道

能出世間佛作誠言說此四法決定無畏

若有沙婆麾梵若復餘衆如實言不爾乃至不見是微畏相故我安隱得無所畏初二顯自功德後二利益衆生又入一三說智二四說斷又初示藥法二示病滅三知禁忌四示應食也此望十力廣略

說故又能有所作無所疑難自有智慧無能壞者

智慧猛利堪受問難等故

皆上句十力下句無畏

者

智緣四境真諦一法即真

義

眞諦如堅濕緩動等地等

說地等四於三種智中樂說然華嚴九地

初地分任運經云無轉捨離佛地究竟說有十種自相同相行相說相智相住持相皆前二境別礙等義者知諸法別相色十一

撰述

大方廣圓覺經卷之二

三

等二中法知自性義知生滅三中行相現在差別
過未差別四中教本解釋五現知不異比知如實
六真俗無我相七乘相一乘諸乘八因相智法隨
證分位差別九佛地相法身色身十住持相能說
智德所說聲教後二則同皆詞則說於法義樂說乃詞中

別義

如一中云詞無錯謬說無斷盡二中云詞安立一切法說隨安立不可壞等故

佛十

八不共法者

力等二乘有力無分故

一二三身口

多劫戒定妙慧大悲通上

根因緣及習故念

四念處心長夜修故心無得失

無失

三業云何游行說法答佛於諸法實相

異想

於衆生無貴賤敬慢怨親等異故常觀誰可度故觀彼本來清淨故入不二法不行詎法

故五無不定心

如澄停水如無風燈問佛若常定

中定不退失故欲界有定入定可說故也

於捨受中不覺不知而有捨心是爲患使所使佛於不苦不樂受中知生住滅時故念念心中龐細

六無不知已捨

衆生鈍根多覺苦受樂受

七欲

佛知善法於三問讚善又種種度生遇諸惡緣不生懈怠也

九念

於三世諸法一切智慧相應故失名錯誤減名不及故異於前

十慧

三世一切智慧

八精進

增長名進欲爲意業進通三業又佛小息令阿難說法至進覺支佛驚

九念

起三問讚善又種種度生遇諸惡緣不生懈怠也

十懈怠

於三世諸法一切智慧相應故失名錯誤減名不及故異於前

十一解脫

於解脫中智慧無量無邊

十二解脫

於解脫中智慧無漏智

十三解脫

慧相應

十四解脫

於解脫中智慧無漏智

十五解脫

慧相應

十六解脫

慧相應

口意業隨智慧行

無不利益衆生故異二乘故成就三不護故入外道衆中說法

十七解脫

慧相應

十八解脫

慧相應

十九解脫

慧相應

二十解脫

慧相應

二十一解脫

慧相應

二十二解脫

慧相應

二十三解脫

慧相應

二十四解脫

慧相應

二十五解脫

慧相應

二十六解脫

慧相應

二十七解脫

慧相應

二十八解脫

慧相應

二十九解脫

慧相應

三十解脫

慧相應

三十一解脫

慧相應

三十二解脫

慧相應

三十三解脫

慧相應

三十四解脫

慧相應

三十五解脫

慧相應

三十六解脫

慧相應

三十七解脫

慧相應

三十八解脫

慧相應

三十九解脫

慧相應

四十解脫

慧相應

四十一解脫

慧相應

四十二解脫

慧相應

四十三解脫

慧相應

四十四解脫

慧相應

四十五解脫

慧相應

四十六解脫

慧相應

四十七解脫

慧相應

四十八解脫

慧相應

四十九解脫

慧相應

五十解脫

慧相應

五十一解脫

慧相應

五十二解脫

慧相應

五十三解脫

慧相應

五十四解脫

慧相應

五十五解脫

慧相應

五十六解脫

慧相應

五十七解脫

慧相應

五十八解脫

慧相應

五十九解脫

慧相應

六十解脫

慧相應

六十一解脫

慧相應

六十二解脫

慧相應

六十三解脫

慧相應

六十四解脫

慧相應

六十五解脫

慧相應

六十六解脫

慧相應

六十七解脫

慧相應

六十八解脫

慧相應

六十九解脫

慧相應

七十解脫

慧相應

七十一解脫

慧相應

七十二解脫

慧相應

七十三解脫

慧相應

七十四解脫

慧相應

七十五解脫

慧相應

七十六解脫

慧相應

七十七解脫

慧相應

七十八解脫

慧相應

七十九解脫

慧相應

八十解脫

慧相應

八十一解脫

慧相應

八十二解脫

慧相應

八十三解脫

慧相應

八十四解脫

慧相應

八十五解脫

慧相應

八十六解脫

慧相應

八十七解脫

慧相應

八十八解脫

慧相應

八十九解脫

慧相應

九十解脫

慧相應

九十一解脫

慧相應

九十二解脫

慧相應

九十三解脫

慧相應

九十四解脫

慧相應

九十五解脫

慧相應

九十六解脫

慧相應

九十七解脫

慧相應

九十八解脫

慧相應

九十九解脫

慧相應

一百解脫

慧相應

一百一解脫

慧相應

一百二解脫

慧相應

一百三解脫

慧相應

一百四解脫

慧相應

一百五解脫

慧相應

一百六解脫

慧相應

一百七解脫

慧相應

一百八解脫

慧相應

一百九解脫

慧相應

一百十解脫

慧相應

一百十一解脫

慧相應

一百十二解脫

慧相應

一百十三解脫

慧相應

一百十四解脫

慧相應

一百十五解脫

慧相應

一百十六解脫

慧相應

一百十七解脫

慧相應

一百十八解脫

慧相應

一百十九解脫

慧相應

一百二十解脫

慧相應

一百二十一解脫

慧相應

一百二十二解脫

慧相應

一百二十三解脫

慧相應

一百二十四解脫

慧相應

一百二十五解脫

慧相應

一百二十六解脫

慧相應

一百二十七解脫

慧相應

一百二十八解脫

慧相應

一百二十九解脫

慧相應

一百三十解脫

慧相應

一百三十一解脫

慧相應

一百三十二解脫

慧相應

一百三十三解脫</h

十六七八以智慧知過未現在通達無礙

由此故上三業

隨智慧行問過未無體現在無住去何能知三世答若無過未佛豈成就十力等德問若三世皆有便墮常過卽無罪福生死轉脫有無量咎答三世各各有相非過未有現在相又若無過未亦無出家律儀亦無五逆諸罪以是業等已過去故亦無死入地獄未來無業故無報是爲邪見又我不說過未如現在相我說過去雖滅可生憶想能生心爾現在心雖無住相續生故能知諸法也

問無見頂相等亦無與共云
何不說答此十八中但說智慧功德不說自然果報法

力等四科全依智論

三十七助道品者略爲四門一釋名二辯類三出體性四明行相初助謂資助助正道故道卽是因所謂止觀品卽是類正因類故亦

云菩提分分亦因義二辯類者有其總別總謂諸經論說大乘道品無量三十七者是其中別義通於大小若准智論但三十七無所不攝

如四諦有無量相也

別者總有七類謂四念處四正勤四神足五根五力七菩提分八正道分三出體性者但以十法爲體謂信

二進

八念

四戒

三定慧

八輕安喜捨思惟

各四明行相者初中四念處者四謂身受心法念謂念慧四是念慧所安住處故亦名念住以慧守境由念得住故必要四者從麤至細對治凡夫四種倒故

四卽常樂我淨此即先重後輕爲次

初觀身不淨不淨有五

謂種子住處自相自性究竟等二觀受是苦謂此身既爾衆生貪者以其情塵生諸受故計之爲樂故觀其苦受謂苦樂捨等苦謂苦苦壞苦行苦受三觀心無常謂誰受此樂故須觀心念念生滅四觀法無我卽五蘊法皆不自在又如實觀察對治小乘四種倒故不淨等也無行經云觀身畢竟空觀受内外空觀心無所有觀法但有名然觀不淨等通大小乘智度瑜伽大集般若皆性相雙觀也觀其性空唯是菩薩又但觀法性卽除八倒旣除八倒卽成八行涅槃雙樹四雙八隻四枯四榮正表於此謂法性之色實非是淨凡夫計淨是名顛倒實非不淨小計不淨亦名顛倒今觀色種卽空空中無淨云何染著則凡淨倒破枯念處成色種是假智常淨云何滯空而取灰斷言色不淨是名二乘不淨倒破榮念處成觀色本際非空非假非淨不淨乃名中道佛表此理故於中間而般涅槃餘三類此是則法藥有四觀智爲念諦理名處然華嚴經四皆有三內自二外非情三內外他有情謂觀內身循身觀勤勇念知除世間貪憂等然深觀念處卽坐道場更不須餘機宜不同故說餘品四正勤者四念

撰述

大藏圖書館所藏

六

處似火若得勤風則無所不燒故次辨之精進爲體故總名勤異外道勤故名爲正雖是一勤隨意分四前二勤斷二惡是止惡行後二勤修二善是作善行二善二惡皆所緣境前中未生之惡遏令不生已生之惡斷令不續後二未生善令生已生令廣四神足者謂欲猛烈樂欲猛利勤精進心專一觀由先法內自揀擇上定此慧也以勤過散亂智火微弱故須定制卽所欲自在神卽是神通足卽是定由出世法最勝自在欲等四定能證此故名爲神足亦名如意足所欲如心故神足所緣卽種種變事神足自體卽

三摩地欲勤心觀皆是助伴由欲增上力證心一境性名爲欲定餘三亦然勤觀心性名爲上定皆從加行受名此四加行卽華嚴前正勤中云欲生勤精進發心正斷等以發心中持心能生止定持太舉故策心能生觀定策太沈故是以隨一念處有四正勤隨一正勤有四神足五根者信信爲上餘四謂於諦寶深忍樂故進進於前所信策勤而行卽正勤也念念處也明記不忘也定緣慧揀擇是非此五通生出世間法而爲增上然始入佛法卽有信心未有定慧不得名根今由前三科則信不可拔前三至此總得名根若依位者

般若

在於見道之前則以速發現觀而爲其果五力者卽前五根增長魔梵惑等不能屈伏故名爲力又能損滅不信等障故復名爲力智論云能破煩惱得無生忍故名爲力七覺者覺謂覺了七謂念

所

支由繫念故令諸善法皆不忘失也擇法自體支覺自相故此勢力能到所喜利益支由心勇能除到故喜悅身調適故也輕安能除得轉依故捨是不染污故謂行捨平等永除貪憂不依故染污位爲自性故上三皆不染污支也若

依位說卽現觀自性如實覺慧覺法自性然七皆自體而差別者覺爲自體餘六皆覺支分總收七覺不出三品念通定慧次三是慧後三定攝雖是

前三至此增故依位所明能斷見惑以爲其果又雖一剎那七法俱起而隨行相各說功能念除忘念擇除不正知餘除懈怠昏沈麤重散亂掉舉上約通說大乘七覺不念諸法故決擇不可得故離進忘相故絕憂喜故除安心緣皆叵得故性定之中無定亂故亦不見於能所捨故入正離邪道開

涅槃者謂正見證真實棟擇故思惟誨示他支如安立思惟名語善於所證問答決擇業身業進止義發語言故語令他信有見清淨故業正行具足令他信有成清淨故命信有命清淨故上三皆令他信支問離身語業無別正命如何建立三種答婆沙云眞處所起身業名邪業語業名邪語貪所起二業即

圓鏡述

妙法蓮華經疏卷之三

三

名邪命邪精進淨煩惱障支由活命故此永斷一切結念淨隨煩惱障支由相永不容定能淨最勝功德障支由此引受沈掉等定發神通等無量勝功德故也若能如

上分別誨示等即是道支之果然其八中語業命三是戒蘊攝念定是定餘三是慧定慧大同諸品但增勝耳上之七類次第者謂聞法已先當念持次卽勤修勤故攝心調柔柔故信等成根根增爲力七覺分別八正正行總以喻顯法性如地念處如種子正勤爲種植神足如抽芽五根如生根五力如莖葉增長開七覺華結八正果如是乃至者超越多法謂三身四智五眼六通地度果向緣諦

處定等八萬四千陁羅尼門者然法門廣說無量無邊今齊此結數者對治塵勞故然其所治卽八萬四千煩惱古來釋云衆生煩惱根本有十然一惑力復各有十卽爲百計應分爲九品但上品重故開爲三品中下輕故各爲一品合爲五百復於内外境起謂自五塵爲內他五塵爲外一一各五百卽爲五千別迷四諦則成二萬并本一千則有一對翻卽皆淨法數無增減故論云不覺念起見諸境界故說無明乃至具有過恒沙等妄染之義

更有二說一不能繁叙

撰述

卷之三

對此義故心性無動卽有過恒沙等諸淨功德相
義示現陀羅尼者得總持菩薩於一一法中持一
切法故門者從一法中入一切法故然上從覺圓
明故展轉躡前相由以顯世出世間諸法清淨至
此五段歷法備周餘六七兩段但是結通他身他
界更無別義五段相由者謂心本清淨由不覺故
名賴耶識相應於意復曰見塵起於現行有根識
境中有能造故說四大由是具足處界諸有有漏
之法對治此等有修有證復成無漏因行果德今
旣覺了圓明故心意識及所變等展轉清淨皮之

不存毛無所附然無漏法若約人修證則先因後
果今據法本末故先果後因亦如論中根本滅故
罷染隨滅六自他正報

善男子一切實相性清淨故一身清淨一身清淨故
多身清淨多身清淨故如是乃至十方衆生圓覺清
淨

解曰一切實相者卽無相也夫有相者皆歸無常
緣生之法性本虛假言實相者卽是非相是故如
來說名實相無遷無變究竟常住無量義經云如
是無相不相不無相是名實相智論云照色等

空卽名實相性空實理離於顛倒非虛僞故於空見空亦名顛倒於空無著乃至實法又楞伽經云一切妄息是名如實如實卽實相也性清淨者此實相從本已來自性清淨一切妄法所不能染比迷似染今悟本淨名性清淨一身清淨者由前悟得根識塵大世出世間諸法皆歸實相清淨方始成就此入一身清淨故諸段清淨皆牒前文唯此獨指實相以爲淨之所以多身清淨者既於自身證實相理亦見一切衆生同一清淨實相以觀一切衆生不取於相同圓覺性故志公云以我身空

諸法空千品萬類悉皆同又下文云圓覺普照寂滅無二始知衆生本來成佛十方衆生圓覺清淨者以般若正智徧觀衆生菩提涅槃無漏智性本來具足也此乃一人悟性知一切衆生本性清淨非謂一人修道多人成佛七一多依報

善男子一世界清淨故多世界清淨多世界清淨故如是乃至盡於虛空圓裹三世一切平等清淨不動解曰國土淨穢皆由自心衆生劫燒我土安隱螺髻鶯子二相不同按地寶嚴坐蓮無異況乃心冥覺性識智無生身土依真染淨俱泯廓通法界清

撰述

淨湛然圓謂圓徧虛空裏謂含裹三世三世者豎極虛空者橫周一切者橫豎總該平等者本末同味清淨者都結七段不動者冥於一如然上七段悟時既相躡清淨迷時亦相躡垢染應云覺不明故令心不淨心不淨故見塵不淨見塵不淨故眼根不淨乃至如是一多世界不淨文勢及義意對經可知第二空色同如

善男子虛空如是平等不動當知覺性平等不動四大不動故當知覺性平等不動如是乃至八萬四千阿羅尼門平等不動當知覺性平等不動

解曰前之七段卽空色無礙此當泯絕無寄彼云動念卽乖法體反顯法體本不動也標空爲首者躡前起後由前云盡於虛空平等清淨卽知相盡同空空旣本無生滅動搖當知諸法亦本不生亦不待滅一一當體如如不動覺性不動者然一切法唯依覺性生滅動轉諸法旣盡同於虛空皆不動故則覺性不動也如波不起水則湛然不動理齊故言平等故法華云是法住法位世間相當住法句經云諸法從本來無是亦無非是非相寂滅本來無所動然諸法與覺性平等未名理事無礙

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

法界者夫理事無礙要須多事全同一理而寂然一理全成多事而遷變卽動卽靜卽靜卽動生滅廣狹一切皆爾翻覆無礙今但一向不動但是攝色等事同真空理故唯名真空觀也乃至八萬等者還如前七段歷諸法門經恐文繁略標首末義兼中間故云乃至後段乃至之言亦例此知第二理事無礙法界

善男子覺性徧滿清淨不動圓無際故當知六根徧滿法界根徧滿故當知六塵徧滿法界塵徧滿故當知四大徧滿法界如是乃至陀羅尼門徧滿法界

解曰先示觀門者此有十門一理徧於事門謂能徧之理性無分限所遍之事分位差別一一事中理皆全徧非是分徧何以故彼真理不可分故是故一一纖塵皆攝無邊真理無不圓足二事徧於理門謂能徧之事是有分限所徧之理要無分限此有分限之事於無分限之理全同非分同何以故以事無體還如理故是故一塵不壞而徧法界也如一塵既爾一切法亦然思之此全徧門超情離見非世喻能況此二門後有海波
及兩重問答也三依理成事四事能顯理五以理奪事六事能隱理七真理卽

事八事法卽理九真理非事十事法非理

上十同
一緣起

約理望事有成壞卽離約事望理有隱顯
一異逆順自在無礙同時深思令觀明現今經皆

言徧滿法界者正是第二門行相兼於餘門義理謂此卽理之諸法與理不異故一一自徧法界不

同前門沒體攝歸理中故此名理事無礙也旣徧

法界卽知動靜無礙一周徧言覺性圓無際故當知六根徧滿者由前門已顯六根等與覺性平

等平等者卽無分毫之異也旣與覺性不異覺性圓無際故六根亦圓無際故徧滿法界若不徧滿

卽是有際有際卽與覺性成異異則乖於前門故

躡前云圓無際故故首楞云性見覺明覺精明見清淨本然周徧法界六塵已下皆例前知第三周徧含容觀

善男子由彼妙覺性徧滿故根性塵性無壞無雜根塵無壞故如是乃至陀羅尼門無壞無雜如百千燈光照一室其光徧滿無壞無雜

解曰先示觀門者亦有十門一理如事門謂事法旣虛相無不盡理性真實無體不現此則事無別事卽全理爲事是故菩薩雖復看事卽是觀理然說此事爲不卽理二事如理門謂諸事法與理非

異故事隨理而圓徧遂令一塵普徧法界法界全體徧諸法時此一微塵亦如理性全在一切法中如一微塵一切事法亦爾三事含理事門謂諸事法與理非一故存本一事而能廣容如一微塵其相不大而能容攝無邊法界由刹等諸法既不離法界是故俱在一塵中現如一塵一切法亦爾此理事融通非一非異故總有四句一一中一二二一切中一三一中一切四一切中一切各有所由思之四通局無礙重釋第二第二但漏通也此兼不徧不徧局也五廣狹無礙重釋第三但包含舍卽廣也今有不壞不壞狹也六徧容無礙此正合前

四五兼七攝入無礙

對前門但前一望多故偏容此多望一故攝入也八

交涉無礙

兼前六七

九相在無礙

反對前門無礙近收

攝九門

今經雖略義理全同謂根與塵皆是事法

例前七段事事皆然故云乃至陀羅尼門無壞無

雜當知種種事法

一一交參周徧雖有性字此是各指根性塵性非謂泯根攝塵同於一性言無壞

無雜者如一燈光已滿一室更有一燈光亦全滿

百千燈光一一如是各不相壞亦不渾雜室中之空喻於法界燈之光相喻以根塵謂一燈光容多

光相卽一光相徧多光中一一皆然重重無盡含

容周徧斯之謂歟所以然者唯是真心所現皆如幻夢影像故與所依性非一非異故故得徧多入一攝一容多等也大文第三頓同佛境於中三二用心同二見境同三稱實同初有法喻今初善男子覺成就是故當知菩薩不與法縛不求法脫不厭生死不愛涅槃不敬持戒不憎毀禁不重久習不輕初學何以故一切覺故

解曰覺成就是故總指圓彰法界已下之文由斯故得同佛境界不與法縛等者於四對法無勝劣心如佛於三念之境故言同也同之所由經自微釋

云由一切覺故論云所言覺義者謂心體離念今則離前與求厭愛敬憎重輕等八念也舉八境者顯於心也喻云光無憎愛後云修習此心二喻

譬如眼光曉了前境其光圓滿得無憎愛何以故光體無二無憎愛故

解曰光卽眼識現量所得故無憎愛首楞云其目周視但如鏡中無別分析但有自性分別無計度等汝識於中次第標指云其目者意取眼識云汝識者卽是意識亦可但隨凡俗情見以目瞳爲光如法華云梵王是衆生父二見境同

撰述

善男子此菩薩及末世衆生修習此心得成就者於此無修亦無成就圓覺普照寂滅無二於中百千萬億阿僧祇不可說恒河沙諸佛世界猶如空華亂起亂滅不卽不離無縛無脫始知衆生本來成佛生死涅槃猶如昨夢

解曰修習此心得成就者近結八境安心遠結觀行成就無修等者泯前心跡起後依正凡聖平等之文若不泯之則雖無憎敬等尚見持毀餘三例之故須泯之方同佛見自此已下正顯其同圓覺普照寂滅無二者由自心已空但是覺照寧有凡聖差

別之二焉冥一如之無心卽萬動之恒寂故普照是用寂滅是體佛心所極極於寂照故瓔珞經說等覺照寂妙覺寂照今云同佛是等覺義故云普照寂滅金光明經攝大乘論皆說佛果無別色聲功德唯如如及如如智獨存三種世間融無礙故世界卽器世間衆生卽有情世間成佛卽智正覺世間云於中者卽於寂照中也圓無際故百千萬億者此方下數阿僧祇者此云無數是華嚴十大數中之首經論多用故此舉之不可說者大數第九若從一十百千倍倍積之總有一百三十七重

撰述

數法恒沙者從阿耨池東面流出初出象口周四
 十里金沙混流沙細如麵今有不可說阿僧祇之
 數河一一河中一沙爲一界以顯世界如是多矣
 然此中意者直指盡虛空遍法界所有世界不是
 算其數量爲欲引機造無邊境故假增積多數耳
 諸佛世界皆如空華者緣無自性全體卽真真性
 奪之無餘如前理
奪事門故得相皆虛幻亦如善財求法
 展轉至摩耶等處會緣入實得願智幻解脫門見
 一切世界等皆如幻住云佛界者華嚴經說諸佛
 衆生一切世界有十種起具因緣故世界成就所

謂如來神力法應如是衆生行業等亂起亂滅者
 有三意一者一切世界皆依妄念念既剎那不住
 世界亦起滅無停二者華嚴云染污衆生住故世
 界成染污大福衆生住故成染淨信解菩薩住故
 成淨染等三者成壞相也然成住壞空雖各二十
 增減而世界無量無數故總觀起滅續紛問然佛
 化土許可如斯自受用中如何起滅答若依實教
 所明無形爲淨土生公云佛有形累託土以居佛
 是常住法身何須國土故華嚴云依真而住非國
 土此經云入於大光明藏餘義已如前辯問法華

云我此土安隱天人常充滿復云何通答彼據理卽事門此約理奪事門二皆無礙不卽不離者明此世界不卽圓覺亦不離圓覺如華與空如金與器由不離故覺性奪之成空華由不卽故世界不妨有起滅無縛無脫者文通上下上卽由世界無淨穢故下以衆生本成佛故始知衆生本來成佛者始知卽始覺觀行成就方能知故本成卽本覺知與不知佛卽究竟覺始之與本非二覺故生死涅槃猶如夢者亦無始覺之異四相本來同一覺故又寂滅無二是自覺世界及衆生是覺他成佛二字及生死涅槃如

夢是覺滿成就是滿義故動寂雙亡方圓滿故所上

釋文但明能知者成佛其

所知衆生如次方釋云

然說生本成佛唯是圓

覺華嚴餘成義舍不的指注但以語驚凡聽理越常情佛旣罕言愚夫多謗若不具彰義類豈曰莊嚴契經故總叙六門顯成佛延促菩薩處胎經云或有衆生從初發意經歷劫數不得成佛亦使下文徵釋躡此易明一者一生成佛謂小乘有部唯悉達太子有大覺性於此生中苦行修道菩提樹下三十四心斷結五分法身初圓名爲成佛二者三祇成佛謂始教說唯具大乘性者從初發意六度修行三無數

劫五位伏斷十地滿足四智圓明於色究竟天受
佛智職名成正覺三相盡成佛謂終教說一切衆
生本覺真心本來離念不如實知忽然念起生住
異滅念無自相不離本覺內外熏力始斷滅相終
斷生相一念相應得見心性心卽常住名成正覺

前約功圓相滿此約相盡體現又前定待長久劫數此則唯依自心延促無定

四初住成

佛爲華嚴說十信位滿於諸法中不生二解一切
佛法疾得現前初發心時卽得阿耨多羅三藐三
菩提知一切法卽心自性成就慧身不由他悟故
彼疏釋云佛智何深情迷謂遠情忘智現則一體

非遙旣言一切法卽心自性今理現自心卽心之
性已備無邊之德矣覺心理現理現則智圓若鏡
淨明生非前非後非新非故不由他悟是自覺知
一切法是覺他成就慧身爲覺滿見夫心性豈有
自他寂而能知名爲正覺五一念成佛謂無始迷
倒妄認衆生

華嚴緣起一味章云若約衆生門中衆生及佛皆是生滅善惡境界未嘗見有一佛清淨解脫者識倒見佛亦倒故

一念悟時全體是佛

緣起章又云約佛門中佛及衆生皆本空寂情識已亡同諸佛故未嘗見一衆生流轉者心淨一切皆淨故也如

夢身相夢時非無寤卽自身豈待長養故論云亦
無始覺之異華嚴云若離妄想一切自然無礙等

智卽得現前如塵破經出廣博嚴淨經云有三男子詣佛禮足作如是言世尊我今於此法能信能解不生疑惑第一男子白佛言若作是說我是如來此言便是正說所以者何我於此法不生疑惑
第二男子云是世尊第
三男子云佛其詞皆同爾時會中百千衆生心皆擾動不樂本座皆作是念無有二佛並出世間今此男子何故發如是言阿難瞻大衆意問佛佛說偈印許偈云能知過去如亦知未來如見一切法如是故名如來不畏於生死正住生死中化度諸衆生是故名世尊覺無明無知其性無所有已得

於明智是故名爲佛菩薩處胎經云或有衆生朝發道心卽得成佛諸大乘經其文非一達磨禪宗卽心卽佛是斯意也六本來成佛論云四相俱時皆無自立本來平等同一覺故涅槃論解微密義云身外有佛亦非密身內有佛亦非密非有非無亦非密衆生是佛故微密華嚴云如來成正覺時於其身中法界身也普見一切衆生成正覺乃至普見一切衆生入涅槃皆同一性所謂無性又云菩薩摩訶薩應知自心念念常有佛成正覺何以故諸佛如來不離此心成正覺故如自心一切衆生心

亦復如是悉有如來成正覺彼疏問云此中之成爲理爲事若是事成云何皆同一性若是理成云何入相疏自答云此是華嚴大節若不對諸宗難以取解今約五乘及五教而辨然諸衆生若於人天教中觀之則具足人法二我若於小乘教中觀之但是五蘊實法本來無我若大乘始教法相宗卽說唯識所現無相宗卽說幻有卽空人法俱遣若大乘終教唯如來藏具恒沙性德故衆生卽在纏法身法身衆生義一名異倫據理說若大乘頓教則相本自盡性本自現不可說言成佛不成佛等若

依此宗華嚴宗也舊來成竟亦涅槃竟非約同體此成即是彼成難若爾何以現有衆生非卽佛耶答若就衆生位看尚不見唯心卽空安見圓教中事如迷東謂西正執西故若諸情頓破則法界圓現無不已成猶彼悟人西處全東若爾諸佛何以更化答衆生不如是知所以須化如是化者是究竟化如是化者無不化時然上六門初門衆生無成佛義故次門五分中唯許一分半衆生定待三祇功滿成佛後四門一切衆生皆許成佛於中三四妄盡覺顯是爲成佛五頓悟無妄卽名爲佛六本無

迷悟元來是佛又中間四門次次相望前延後促
又前二事成次二事同理成五唯理成六皆無礙
今經文者若約觀成方能知之卽當四五兩門若
約所知衆生本來皆佛卽唯第六三稱實同

善男子如昨夢故當知生死及與涅槃無起無滅無
來無去其所證者無得無失無取無捨其能證者無
作無止無任無滅於此證中無能無所畢竟無證亦
無證者一切法性平等不壞

解曰稱法界真實性故初句躡前由見生涅槃如夢
卽稱圓覺實性同佛境也此有二意一但有能依

之夢必有所依之人夢是人之神遊亦見聞之氣
分無別體故二但了夢體空無卽證自身真實迷
自身者由執夢故然餘喻皆帶自他唯夢喻尅體
故大瓊瑤經說過去有佛欲說法時令大眾睡眠
夢中說法令增善根覺得道果

涅槃羅刹云云迦旃延弟子云云

亦表萬法皆夢大夢之境必有大覺之明矣當知
下有四節初總明稱實謂迷時生死無起涅槃無
滅悟時非滅却生死發起涅槃稱體而觀都無起
滅聖法非新來凡心非滅去又直言體無起滅來
去不約聖凡其所證下別指能所所證之境非得

撰述

大方廣佛說大法華經卷之二

二十一

真失妄捨麤取妙能證之心都無分別離於四病
病如
下文於此下雙泯能所故故華嚴云若有見正覺
 解脫離諸漏不著一切世彼非證道眼一切法性
 下總結稱實故華嚴說衆生成佛次後亦云
如注
配之無相性無盡性無生性無滅性總明
無我性
 無非我性無衆生性無非衆生性無所
證也無苦提性
無能
證也無法界性無虛空性雙泯
能所亦復無有成正覺
性總
結四結牒問詞
 善男子彼諸菩薩如是修行如是漸次如是思惟如
 是住持如是方便如是開悟求如是法亦不迷悶

解之可知後偈諷文

三界於起行
方便故初諷觀行成就

文二初七句二空觀

爾時世尊欲重宣此義而說偈言

普眼汝當知 一切諸衆生 身心皆如幻
 身相屬四大 心性歸六塵 四大體各離
 誰爲和合者

後三句法界觀

如是漸修行 一切悉清淨 不動徧法界
 長廣偈畧次一偈半頌頓同佛境
 無作止任滅 亦無能證者 一切佛世界

捲之三

大方廣圓覺經疏中卷之三

三十四

猶如虛空華 三世悉平等 畢竟無來去
後一偈頌結牒問詞

初發心菩薩 及末世衆生 欲求入佛道
應如是修習

大方廣圓覺經大疏中卷之二

普知 大當 問 以龍象主集心音取

六童宣判義而答言

文二

大方廣圓覺經大疏中卷之三

終南山草堂寺沙門宗密述

第二徵釋迷悟始終文四初三今初

於是金剛藏菩薩在大衆中卽從座起頂禮佛足右
遶三匝長跪又手而白佛言

解之可知二正陳詞句中三一慶其所悟

大悲世尊善爲一切諸菩薩衆宣揚如來圓覺清淨
大陀羅尼因地法行漸次方便與諸衆生開發蒙昧
在會法衆承佛慈誨幻翳朗然慧目清淨
解曰兼指初段中因地法行者是一切行位根本

故後必躡前故二難其所疑

世尊若諸衆生本來成佛何故復有一切無明若諸無明衆生本有何因緣故如來復說本來成佛十方
衆生本成佛道後起無明一切如來何時復生一切煩惱

解曰由前云衆生本成佛道故起此疑疑有三句

一謂真能生妄二謂說妄爲真三牒而縱之責無窮過意云本來是佛煩惱何生若無生中妄生起者如來成佛同本無生無生之中還應妄起成佛義等生否應齊齊生則果佛何尊齊否則因違現

事進退不可故有斯云亦如復禮法師云真法性
本淨妄法何由起如初句也妄法從真生此妄安可止

唯願不捨無遮大慈爲諸菩薩開秘密藏及爲末世一切衆生得聞如是修多羅教了義法門永斷疑悔作是語已五體投地如是三請終而復始

解曰據此三難諸典無文唯佛了知登地方受今
乃請宣成教普示末世凡夫故曰無遮大慈開秘
密藏秘謂非器不傳密謂覆相而說或隨他意權實
私藏如不開櫃密藏則一法舍多今請不揀末

世則開秘密顯了而談則開密藏故涅槃云具轉
凡夫能知如來

秘藏了義法門者由此標目永斷疑悔者疑是根

本通論疑者於諸諦理猶豫爲性能障信心善品爲業別顯則五蓋中疑有三一疑自謂已不能入理二疑師謂彼不能善教三疑法謂於所學爲令出離爲不出離又疑理事空有雙是雙非等如有病人疑自疑醫疑藥病終不愈今三疑中卽疑法也此疑復有已起未起如天親判金剛經斷疑之意今皆含之

剛藏爲他請問令永斷故然斷疑方便者若疑境界令悟唯心若疑法性令觀無得餘皆例知今此

斷疑通二方便對文可解悔者通論是不定之法悔善則惡悔惡則善故今請永斷卽屬悔惡也亦五蓋數但此不因掉也然入道人若未通決生佛同異則或用功多時反自疑惑後三展虔誠也二讚許中

爾時世尊告金剛藏菩薩言善哉善哉善男子汝等乃能爲諸菩薩及末世衆生問於如來甚深秘密究竟方便是諸菩薩最上教誨了義大乘能使十方修學菩薩及諸末世一切衆生得決定信永斷疑悔汝今諦聽當爲汝說

撰述

解曰言如來甚深秘密究竟方便者然汎論如來秘密有其二意一如來之密藏謂一乘如來知見佛於漸教門中久默斯要故如前釋也故云究竟方便下答覺照離華賢等二如來卽秘密由證密藏能所無二故三業具皆秘密也謂非色現色摩尼不能喻其多非量現量應持不能窮其頂不分而徧一多不足異其體全法爲身一毛不可窮其際此身密也非近非遠目連尋之無際身子對而不聞非自非他若天鼓之無從猶谷晉之緣發無邊法海卷之在一言無內圓音展之該萬類此口

密也無心成事等覺尚不能知意密也二義之中經顯所證矣言決定信者前頓同佛境義當信根成就初發心住今但通決疑難以成前義故也三佇聽

時金剛藏菩薩奉教歡喜及諸大衆默然而聽

第四正說長行四一反覆起疑之本二喻釋現起之疑三顯淺難造深四結問不當理初中又三一總指輪迴二真隨妄轉三結指前疑今初善男子一切世界始終生滅前後有無聚散起止念念相續循環往復種種取捨皆是輪迴

解曰於中初一句總標情器故云一切無著金剛論以四蘊爲世界若不約情何成輪迴又一切者總有十種如華嚴世界成就品說次六對辯其輪迴謂但住有爲卽屬輪迴心也始終者若唯約染緣則創變爲始極證爲終或無始有終若染淨對說則證菩提爲始斷盡煩惱爲終若唯約染始無終如上用心皆屬輪迴之見唯心冥圓覺不住染淨方得無始無終新新而起曰生表此先非有故念念落謝曰滅是無故過去名前未來名後現在住劫名有空劫名無成劫名聚壞劫名散現行爲起調伏爲止次

二句正示輪迴之相念念相續者情界器界皆依妄念旣所依不斷故能依亦然循環往復者器界空已復成情界滅已復生惑業襲習報應輪輪塵沙劫波莫之遏絕後二句結成輪迴取謂取著執我我所捨謂眾離眾苦所依又於根身則眾苦麤障爲捨忻淨妙離爲取於器界則眾此娑婆爲捨忻彼極樂爲取若取若捨種種不同皆是顛倒妄心變現輪迴之相故論云一切分別卽分別自心心不見心無相可得首楞云自心取自心非幻成幻法二真隨妄轉文三一法

未出輪迴而辯圓覺彼圓覺性卽同流轉若免輪迴無有是處

解曰能觀是輪迴之心故所觀圓覺亦爾如夢見實物物亦是夢故清涼大師答復禮法師云由來未曾悟故說妄無始二喻

譬如動目能搖湛水又如定眼猶迴轉火雲駛月運舟行岸移亦復如是

解曰四對喻中初由目數動湛水如波搖次眼識遲鈍旋火成輪相餘二可見三合

善男子諸旋未息彼物先住尚不可得何況輪轉生死垢心曾未清淨觀佛圓覺而不旋復
解曰諸旋者眼目雲舟喻生死垢心也彼物者水火月岸喻圓覺也何況下正合三結指前疑是故汝等便生三惑

解曰三惑者卽前三種疑也據此結文的指卽知定是先責起疑之本未是答難若是偏答三中之一難卽不合總結三惑智者詳焉然雖非是正答已是標舉建立答義之意勢令息如上之念卽前曾疑早合自亡況復空華金鑛分明曉喻二喻釋現起之疑文二初一空中華無起滅喻二金中鑛不

[撰述]

重生喻初中三一喻釋二法合三結成今初

善男子譬如幻翳妄見空華幻翳若除不可說言此翳已滅何時更起一切諸翳何以故翳華二法非相待故亦如空華滅於空時不可說言虛空何時更起空華何以故空本無華非起滅故

解曰曲分爲二初翳差華亡喻謂不知華因翳有乃謂從空而生喻不知妄出迷情却執真能生妄既得翳差卽不見華聞說從翳而生又執何時更翳喻前觀成同佛普淨根塵因知妄染由迷又疑惑心却起問翳差之者或有他時更生不必的定

永無如何以此爲喻答喻者但取當日一席之事不說終身但以愚人晨旦見華食時眼差見華亂生亂滅謂言翳亦速起速停是以經中遮云不可故諸論喻釋佛云如大夢覺豈可難云睡起夢覺何妨明夜更睡還夢若如是難豈解喻焉二法非相待者翳不與華期華不隨翳生但翳故妄見非華實生二法各不相知況復一空一有故云不相待也縱使心迷生死亦寂但緣迷故妄似生死衆生本自不生幻華畢竟不起莫將翳待莫以迷求剛藏問目正似此也後空不生華喻前已合釋文

易可知然佛頂經亦有此法喻文廣義略關於待
翳之文二法合

生死涅槃同於起滅妙覺圓照離於華翳

解曰迷見生死似華起悟得涅槃似華滅言圓覺
離華翳則雙拂生死無明虛空非毘有無覺性何
開迷悟衆生既如華起約誰更難無明無明生死
既空何責本來成佛空華終不再起果位何得還
迷由已計度不休見他覺性流轉若如是解頓遣
三疑三疑鈞鎧連環不是三科別答下金鑛喻卽
唯答佛不再迷此疑過深故重喻也三結成

善男子當知虛空非是毘有亦非毘無況復如來圓
覺隨順而爲虛空平等本性

解曰虛空世法尚不同華起滅況如來隨順圓覺
湛然真常是虛空之體性耶覺爲空性者佛頂云
空生大覺中又云寂照含虛空復言平等者然圓
覺雖是虛空之性而冥合不分周徧法界無分無
限無別能依所依故云平等此意云空在覺中空
尚常寂況覺爲空性豈增減耶喻猶不及故云況

復後金鑛喻

善男子如銷金鑛金非銷有旣已成金不重爲鑛經

1 2 3 4 5 6 7 8 9 10 1 2 3 4 5 6 7 8 9 10

無窮時金性不壞不應說言本非成就如來圓覺亦復如是

解曰曲分爲二先喻此喻唯答佛不再迷之難前就圓悟之理生佛俱是本真以成普眼段中衆生本來成佛之義故舉空華元來不起非後始滅法合云生死涅槃同於起滅所以俱通三難今就不壞因果之相故說銷鑄出金華則始終本無鑄則因銷始盡意云圓頓之理雖齊迷悟不妨成異既有多生習障還須背習顯真真顯卽究竟清淨若但用前喻卽撥無迷悟因果之相便成邪見若但

用此喻卽成衆生覺性本來不淨失真常理亦成邪見道理微妙一喻難齊故說兩事是知此喻唯答第三難也文中喻意如人鍊金須得其鑄若非金鑄鍊亦無金若因銷有者銷頑石等亦應得金雖假爐冶銷融金性要須本有所以經言金非銷故有故金剛三昧經合金錢喻云昔迷故非無今覺故非入既已成金等者正喻佛不再迷不應說言等者喻佛隱顯無異佛頂亦云昔本無迷似有迷覺覺迷滅覺不生迷後法合者金喻法身鍊出喻報身作環釧等百千萬種喻化身鑄中雖有

金不銷金不出識中雖有佛不修佛何成三顯淺
難造深文二初所造離念

善男子一切如來妙圓覺心本無苦菩提及與涅槃亦
無成佛及不成佛無妄輪迴及非輪迴

解曰前通難了此別顯幽深難見言說不及下智
難造以遮展轉無窮疑難先標覺心爲宗後方拂
迹者明非斷滅但離所拂非無覺心拂有三節初
拂轉依之名轉煩惱生死故曰菩提涅槃體雖卽
真名因妄得後兩節皆雙拂對待圓覺性中都無
此事若有少見則迷圓覺故華嚴云於法若有見

此則未爲見若無有見者如是乃見佛二能造滯
情文四一舉勝彰劣二舉喻顯情三誠息妄心四
重彰妄義今初

善男子但諸聲聞所圓境界身心語言皆悉斷滅終
不能至彼之親證所現涅槃何況能以有思惟心測
度如來圓覺境界

解曰文中兩對初小聖理智對後何況下凡心真
覺對意云小聖真智生空尚不能親到小聖之理空生
況凡心劣於前智真覺又超理轉轉懸隔何能
造耶如百寮尚畏宰相百姓豈親天子此正同金

剛經四果之人尚無心言我證得四果豈如來有定法得阿耨菩提耶然四向四果斷證行相者謂斷三界見惑有十六心至第十五道類忍時名初果向至第十六心卽入修道名須陀洹果以見惑頓斷不同修惑分三界別故欲界修惑分爲九品斷至五品是一來向斷六品盡得一來果以九品惑能潤七生爲上上品潤兩生次三品各潤一生次二品共潤一生後三品共潤一生六品惑盡已損六生故唯餘一度來生欲界斷惑七八品名第三果向九品全斷盡卽得不還果次斷上二界修

惑乃至有頂八品惑盡名阿羅漢向三界見修都盡得阿羅漢果成就我生已盡等四卽是所圓境界矣言身心語言斷滅者沈空滯寂灰身滅智也彼之親證等者若未入滅卽有餘涅槃若身智滅已卽無餘涅槃思惟心者種種計度意云無心近理尚不能造有心轉背豈能測度故法華說大地皆如舍利弗共度不能知新發意及不退等菩薩皆言不測二舉喻顯情

如取螢火燒須彌山終不能著以輪迴心生輪迴見入於如來大寂滅海終不能至

解曰於中初舉喻後顯情卽知前舉勝此舉喻並是顯分別心不能證覺密譏前三種翻覆疑難前云有思惟心卽是此云以輪迴心前云圓覺境界卽是此云大寂滅海三誠息妄心是故我說一切菩薩及末世衆生先斷無始輪迴根本

解曰是故我說者卽前未出輪迴而辨圓覺無有是處若遠指卽答文殊問先斷無明或指餘經皆如是說四重彰妄義文二一無實體

善男子有作思惟從有心起皆是六塵妄想緣氣非實心體已如空華用此思惟辨於佛境猶如空華復結空果展轉妄想無有是處

解曰從有心起者舉能起之根識有心者識也
起者心所也六塵緣氣者舉能牽之境已如前釋非實心體者實心無念故已如空華者縱實有思惟有思惟心尚不能證覺何況此心早已如於空華自無其體向上更欲求證何異空華結果故言展轉虛妄此中始末都無故云無體後段祇言浮巧不能成覺不直言無故云無用勿見經有用此思惟之文便謂已屬後段卽此思惟之用全無其體卽名無實體

也細意詳之二無勝用

善男子虛妄浮心多諸巧見不能成就圓覺方便解曰從第一覈疑之本兼此第三段大意總是責問者滯情分別過患所以其中此節最親因前三番之疑便都指是浮心巧見總不能證覺四結問不當理

如是分別非爲正問

解曰乍看連次之經卽似唯結巧見之文細詳其義乃都結第三一段問前讚善哉此責非正何也答前讚者美其起教此責者顯其實理此一段疑最障修證若不徵起末世長迷徵有斯益故前讚也剛藏所徵意在佛責故知責此之過始彰徵起有功乍看似前後乖違細詳乃始終符合可審訖味妙在斯焉偈頌四初七句頌反覈疑本爾時世尊欲重宣此義而說偈言

金剛藏當知 如來寂滅性 未曾有終始
若以輪迴心 思惟卽旋復 但至輪迴際
不能入佛海

長行先舉妄想偈文先標實理次六句頌喻釋現起之疑

提述

卷之三

譬如銷金鑛 金非銷故有 雖復本來金
 終以銷成就 一成真金體 不復重爲鑛
 罣不頌空華影在後段故三五句頌淺難造深於
 中二初三句頌所造離念

生死與涅槃 凡夫及諸佛 同爲空華相
 良由長行華無起滅喻中結文與此段同故此亦
 取空華之喻意該前後也後二句頌能造滯情
 思惟猶幻化 何況詰虛妄

四二句依解起行

是若能了此心 然後求圓覺

長偈第四互有互無第三深究輪迴之根者謂窮
 其展轉根元推其差別種性故於中文四初三令
 初

於是彌勒菩薩在大衆中卽從座起頂禮佛足右繞
 三匝長跪叉手而白佛言

解如前矣次正陳詞句文二初慶前

大悲世尊廣爲菩薩開秘密藏令諸大衆深悟輪迴
 分別邪正能施末世一切衆生無畏道眼於大涅槃
 生決定信無復重躋輪轉境界起循環見
 解曰深悟輪迴者因舟行岸移等喻悟得真隨妄

轉無畏者決定也道眼者五眼之中卽慧眼法眼具真俗故決定信者永不信餘首楞云妙信常住一切妄想滅盡無餘無復重隨等者不執月運岸移等二請後文二初舉法問二結益請初中二二問斷輪迴

世尊若諸菩薩及末世衆生欲遊如來大寂滅海云何當斷輪迴根本於諸輪迴有幾種性

解曰寂滅海者大涅槃也具足三德能建大義體深用廣故如海也次二句問目就下釋之二問修悲智

修佛苦提幾等差別迴入塵勞當設幾種教化方便度諸衆生

解曰初二句智法門無邊誓願學故後二句悲衆生無邊誓願度故此惑病旣多方藥非一若無方便少湯添水恐落愛見大悲故須問也二結益請唯願不捨救世大悲令諸修行一切菩薩及末世衆生慧目肅清照曜心鏡圓悟如來無上知見作是語已五體投地如是三請終而復始

解曰慧目等者欲照心源必由淨慧慧目是能照心鏡是所照心淨如鏡故六祖偈云心如淨明鏡

肅清者緣塵不雜無上知見者無能無所自在圓明故卽同法華雙開菩提涅槃是無上義今卽雙悟故同無上展虔同前讚許

爾時世尊告彌勒菩薩言善哉善哉善男子汝等乃能爲諸菩薩及末世衆生請問如來深奧秘密微妙之義令諸菩薩潔清慧目及令一切末世衆生永斷輪迴心悟實相具無生忍汝今諦聽當爲汝說時彌勒菩薩奉教歡喜及諸大衆默然而聽

解云深奧秘密微妙者本清淨之輪迴無差別之種類等故無生忍者真性無生本來清淨衆生未

悟妄心見生生卽必滅故是輪迴今悟實相了心真妄無生心旣不生輪迴永絕如是忍可名無生忍法旣無生卽無有滅故華嚴云不見有少法生滅何以故若無生卽無滅故又云一切法無生一切法無滅若能如是解諸佛常現前故信力入印經中亦有無滅忍然不生不滅佛法之體入不之初釋有多門略伸一二初約境後約行境中略有五義一就偏計由是妄執無法可生滅也又理無故不生情有故不滅不滅卽不生是一法矣二就依他謂緣會生卽無生緣離滅而不滅又緣起無

性故不生無性緣起故不滅中論云以有空義故一切法得成是故不生卽不滅不滅卽不生爲物也三約圓成性謂非是有爲故無彼生滅相也又非妄心境故不生聖智所證故不滅不滅卽不生爲一物也四通論三性混融於一法上唯就偏計一向生滅就圓成唯不生滅就依他亦生滅亦不生滅就三無性故非生滅非不生滅五然此四句合爲一聚圓融無礙頓思可見後約行者謂妄念斯寂猶若虛空何生何滅又雖起大用見心無生用謝歸寂了心無滅又常稱眞理寂然居境於

此心中有何生滅佇聽同上次下正說長行中二

一答輪迴中二問二答悲智中二問前中二一推

本貪愛末五道令斷答第一問

二明種性令知答第二問一中又

二二示所斷二勸令斷初所斷中二門分別初總

釋義後別釋文初中示所斷輪迴本末者文云從

無始際愛爲根本欲因愛生命因欲有貪姪之欲欲塵

助故五塵之欲生死相續乃至起諸違順造善惡等業

受苦樂等報結云皆輪迴故不成聖道卽十二緣

生之義也緣生義博略顯入門一總別名體二生

起行相三業用差別四能所引生五攝歸一心六

撰述

大藏經卷之三

1

二世三世七因果離合八權實具彰初中總名緣
 起亦名緣生無有主宰作者受者從因而生託衆
 緣起本無而有有已散滅能潤所潤墮相續法故
 名緣生唯依他性蘊處界一分爲體法宗也亦唯妄
 想無相宗也亦唯真心法性宗也十二別者一無明明者擇
 法所無卽明能無卽癡也是行蘊中迷理起者二
 行者造作卽身語意起善惡等三識者了別唯阿
 賴耶親因緣種四召體爲名變癡爲色卽是一切
 有漏五蘊五者六處處是生長門義唯內六處六
 觸者觸謂第八識相應全及六識中異熟觸七受
 者領納體同於觸八愛者耽染卽是當體九取者
 追欲卽是四取十有者有果謂行種果種已潤十
 一生者蘊起卽異熟五蘊十二老者變異死者滅
 無亦是前蘊上所出體皆法相宗若約實教依真
 而起皆無別體一一八九通於種現後二唯現餘唯種子二生起行相
 者不了第一義諦執著於我故不正思惟起於妄
 行行熏於心是識與識現行共生揀現行非種故名色與識互依如水
 與四取蘊識蘊已屬增成餘所依識故根識旣顯則對境爲三和是觸
 墓成意處色增成餘五故開顯明盛也根識旣顯則對境爲三和是觸
 觸必領受於受染著是愛愛增卽取取卽起於業

撰述

大廣圓覺經疏中卷之三

種有業熟卽起漏蘊生蘊熟老則壞死也老非定也

支然惑苦中有開合問答至下當辨三業用差別者此十二支各有二業且各一者一令衆生迷於所緣二則能生未來果報識令諸有相續名色互相助成六處各取自境觸能觸對所緣受能領受愛增等事愛能染着可參事取令諸惑相續有能令於餘趣中生生者能起諸蘊老令根變死壞諸蘊餘各一者無明與行作生起因如次乃至生與老死作生起因死者不覺知故相續不絕四能所引生者一能引支謂無明行能引識等五果種故二所引

支謂識等五是前二支所引發故三能生支謂愛取有近生當來生老死故四所生支謂生老死是前三支近所生故五攝歸一心者華嚴六地說也此復二門一推末歸本門經云三界所有唯是一心諸論同引此文證成唯識然隨宗解異總有八重前唯心章已具列釋二本末依持門經云如來於此分別演說十二有支皆依一心如是而立

頓具非佛不知何以故十二行列前後引生何唯故特言如來也一心下釋意者非唯三世不離真心今乃一念頓具十二猶顯前後隨事貪欲貪事非一隨舉一事一念卽具與心共生心是識本是真心以與貪相應分

撰述

別其事便名識也此中事是行（貪事卽意於行

二或次不次者同一念故

事是行（業之行也

四）是名名色名色增長

（譯經誤也

應云開顯爲六處

六處三

分合爲觸觸共生是受

（同時必領納故受無狀足是愛

相合愛攝不捨是取

（可知彼諸支和合是有

所起是生生熟爲老老壞爲死

（有爲利那生卽異滅故故經云初生

那

（此云執持識中持種及色根故上

凡夫愚癡顛倒當於阿賴耶

（此云識如前及阿陀

我我所中求解脫故經明唯是一心

（論王意明心舍染淨故雙

舉二名釋則心外無我法當於一心中求

（求義云何若有

我執卽一心成賴耶若我執云卽捨此名唯

阿陀那持無漏種此則妄心斯滅真心顯也

六二

世三世者約教不同故小乘生引俱開前二過去

中八現在後二未來唯識卽合能所引開能所生

前十現在後二未來十因二果定不同世中三前七或異或同前七後二中三各定同世意以一重

因果足顯輪迴故斥小乘兩重施設華嚴卽開能

所引合能所生亦明三世經云無明緣行者是觀

過去（觀此二因能

得復能

得來果愛取有是觀未來

（觀此三因決得來果上

撰述

大藏經卷之三

三

行爲過去者爲遮前七定同世故復示無明迷本
際故以愛取有爲未來者爲遮愛取但是潤故示
因招果令眾因故以因屬果故則能所引生及所
發潤皆容互有故彼經前文說無明處亦有愛義
說中際處亦有無明今此不言生老死者但觀因
以知果未有果爲所觀故或得對治卽無果故亦
以諸宗共許爲果故畧不明經論真有明文若於
斯勿局二世有云譯經謬者務在順其所宗也於
是已後展轉相續治復有後世後後無窮對

七因

果離合者此十二支且約一往前前爲因後後爲
果無明唯因老死唯果餘望前後亦因亦果若顯
循環老死亦因無明亦果餘望前後亦因亦果又
無明愛取是本唯因生老死二是末唯果餘通本
末亦因亦果又惑因苦果業通因果又惑業皆因

唯苦爲果又前十皆因後二爲果

上法相皆

覺爲因行等十一皆果

楞伽起信皆以淨心爲因根本無明爲緣生業識等

八權實具彰者問四生六道性類雖殊十二有支

等無優劣如何上說或異或同答萬法皆空無非

真性迷真倒執有十二支支分雖齊悟由根器根

器既別設教寧同

涅槃四類人皆觀十二因依所證深淺者由教機俱有深淺故

欲使指南卽唯佛性

涅槃文欲解緣相須窮聖言各

執一宗俱成不了了知權實杖則皆金然約自修

深淺咸益

准涅槃四類之意唯專俱含義信解修習者卽得

菩提依華嚴者卽得佛菩提也

欲爲師匠必在圓通故淨名經云

深入緣起(六識八識淺緣起)

法性隨緣深緣起

斷諸邪見上來七段

義亦已周緣是諸宗恐疑取捨今但約一教自具

加數門今但提綱任自參驗既同論王幸共遵行

謂經說十重緣起已結云如是十種

今却注列釋處經各於結

下文之逆順

所注者前七

觀諸緣起

彼論門門作三觀觀之今且每

門畧配所謂有支相續故

謂世間受生皆由著我其二也

判爲餘處求解脫

等於第一義不了名無明等其義生起行相中畧說訖論判爲愚癡顛倒

謂因緣無我而乃著我因緣從實諦起而乃迷

觀謂因緣無我而乃著我因緣從實諦起而乃迷

諦故一心所攝故

文義俱如上說論

自業差別故

判爲餘處求解脫

此下四門爲異道求解脫

謂但一念不生方得解脫而乃別求故云異也此

前業用門已說訖論判此下四門爲異道求解脫

謂但一念不生方得解脫而乃別求故云異也此

頭倒總有四因故以四門正義翻破之此門破冥

性謂無明等各二業生彼因緣等事斷前卽後絕

何關真性不相捨離故

無明乃至生爲緣令行乃至老死不斷故此破自在天爲衆生

因今以無明等爲行等因

尚不從餘支豈從自在也

三道不斷故

無明愛取不斷是煩惱道行有不斷是業道餘分不斷是苦道惑業苦

三各分二者文舍二意謂約三世二世初三世中

煩惱二者過去迷本際故現在牽生報果故業二

者過去已定當相受名未來未有功能立稱苦二

者現定當相受名未來未起從過患立次二世中

煩惱二者發潤別故業二者未潤已潤殊故苦二

者種現異故言不斷者苦復生惑故如輪轉此破

苦行因謂惑業是苦因欲脫苦須斷惑業今別修

苦行苦觀三世故

二世三世門中已說

此破無因

因何得因何得

計無也三苦聚集故

苦論判此下四門爲求異解脫謂緣性是一真心具於樂常淨我四德是真解脫

何得異求故四段經明其但有四妄而無四德

苦論判此下四門爲求異解脫謂緣性是一真心具於樂常淨我四德是真解脫

此當有苦無樂謂行苦隨逐乃至無色彼計無色爲涅槃是以苦爲樂也因緣生滅故無明爲緣能生諸行無明諸行亦無餘亦如是此破計非想等爲涅槃因今觀之但是此滅非是常德生滅繫縛故無明緣行是生繫縛無明滅行滅天等爲解脫菩薩觀之無所有盡故無明緣行者是此繫縛不是淨德明滅行滅者是盡滅餘亦如是此破計無明滅行滅所有處等爲涅槃以滅盡故無眞我德也此上十

中初門觀我執緣相對前所注經文詳見餘九亦然次門前半

觀第一義諦緣性也見緣性方脫緣縛故也餘半及後八門觀世

諦緣相也觀於中自有六觀謂上餘半染依止觀因緣有分爲染及染相依止一心故論云二諦差別以純真不生單妄不成和合方有緣集故也

三四兩門染因觀

三他因四自因第五門攝過觀觀苦集

三道攝十二支卽顯有六護過觀觀三世防護三支但攝苦因苦果過患六護過觀過一多身齊生

二自業無受三失業護者一潤未潤等故二非他身作故三勢力續故也

苦苦壞苦凡夫不厭行苦二乘不厭菩薩皆厭

八九十門深觀四句求緣

生而生生破邪顯理深故也八因緣生故不自他生

九但順緣生無知者故不共生十緣生無性無性綠生故非無因也

又初門迷真起妄前半示染淨相

持亦染淨依故次五妄法義門三四建立染法謂

六力無力隨經注之是也後一切相智觀

七慢非慢後三妄緣空幻第十無而種種上十門

經各有逆順卽二十重論王各以三觀觀之總成

六十重觀緣起也

三觀者初相諦差別觀上判前

卽前隨經注之是也後一切相智觀

上最後科簡真妄中莊配之是也

若從染淨無

凝交徹則涉入重重若依染淨逆順雙融則真門
寂寂法性緣起甚深甚深卽此因緣名因佛性三
觀卽因因性因因性至果成菩提性因性至果成
涅槃性因果無礙是緣起性緣起大義深廣若斯
欲辨輪迴理須究了上來總釋義竟次別釋文文
中四一指愛爲本二欲助成因三展轉更依四起
諸業報此同唯識攝十二支但爲惑業苦也前三
皆是惑道第四卽是業苦然開之別配文亦相應
至文當指亦可初一答根本餘三答種性其五性
文答苦提問下當廣辯今且依前初中二初約貪
文答苦提問下當廣辯今且依前初中二初約貪

欲以標指

善男子一切衆生從無始際由有種種恩愛貪欲故
有輪迴

解曰愛是愛支云無始際當於宿惑含無明支或
無明已在前章此唯說愛貪欲是愛增之相卽當
取支今約貪欲麤相標指能貪之愛是輪迴之本
也首楞云流愛爲種納想爲胎交遘發生吸引同
業以是因緣故有生死又涅槃云因愛生憂因憂
生怖若離貪愛何憂何怖又佛名經云有愛則生
愛盡卽滅故知生死貪愛爲本先令斷者如樹除

根等欲者五欲卽色聲香味觸也由於五欲引起愛心能令衆生生死不絕問欲應是心何言色等答瑜伽云欲有二種一煩惱欲二事欲事卽五塵今謂心起合塵塵卽名欲故下云由於欲境起諸違順又無常經云常求諸欲境等言種種者或天屬之恩如父母等或感事之恩如得惠賚等或任運生愛卽自身及名利色味六親等或因敬成愛因恩成愛或因愛結恩恩之與愛應成四句謂恩非愛等又所貪之境衆多故能貪之愛不然貪與愛亦應四句謂貪非愛等若對治揀境則有順

有乖若約妄揀心則皆爲過患又唯就愛復有其三一惡愛謂禽荒色荒及名利等二善愛謂貪求報行施戒等三法愛謂樂著名義及貪聖果而修行等故下云法愛不存心漸次可成就我身本不有憎愛何由生後約受生以結定

若諸世界一切種性卵生胎生濕生化生皆因姪欲而正性命當知輪迴愛爲根本

解曰卵等四生則受生差別故瑜伽釋衆生云思業爲因贊胎濕染爲緣五蘊初起爲生若以四生配六道者天及地獄化生鬼通胎化謂鬼子及地

行羅刹是胎餘皆化生人畜各四人具四者毗舍
佞性卵生三十二子胎卽常人濕則捺女化則劫
初畜具四者金翅及龍餘獸皆胎餘鳥皆卵然著
地飛空若水若陸微細蠢動或卵胎或濕化不可
具分品類問何以卵劣在初化勝居後答有二釋
一約境具緣多者爲首謂卵必具四胎三濕二化
不兼餘故居其後二約心從本起末爲次謂無明
是卵卽本識三細中最初業相能所未分混沌如
卵旣是根本故首明之無明發業蘊在藏識爲胎
愛水潤之方能受生爲濕化生卽從無而忽有爲
化故此次之皆因姪欲正性命者初受胎時妬忌
父母父母亦皆生愛方得受身卽當識等支也如
俱舍說文中姪爲耽染愛著但是情染總得名姪
縱使化生亦依業染地論但云業染卽俱舍世間染香處也若但約欲界輕重者俱舍云六受欲交抱執
手笑視姪四洲之人同四王界餘諸異類卵濕胎
形心染氣傳難具分析受性稟命莫不由之旣性
命由姪姪復由愛故云愛爲根本二欲助成因
由有諸欲助發愛性是故能令生死相續解曰諸欲是境愛性是心卽愛之種子由是故下

雅達

結輪迴由外塵欲牽起愛心亦由愛心貪著於欲
貪欲故造業造業故受報由此生死不斷故肇論
云衆生所以久流轉者皆由著欲故也若欲止於
心則無復生死潛神玄默與虛空合其德是名涅
槃三展轉更依

欲因愛生命因欲有衆生愛命還依欲本愛欲爲因
愛命爲果

解曰此當兩重三世門中後流轉三世也彼經云
於是已後展轉相續今此文者欲謂貪姪命謂身
命無愛欲則不生無欲身則不有當知欲因愛有

身因欲生旣有此身還生於愛由愛身故還爲欲
因復感未來生死果報如是展轉相續無窮四起
諸業報業有二義一動作義即是行支二爲因義
卽是有支報是苦果是酬因義卽生老死二支然
此業報釋教之宗撥之云無正名邪見五見中一不歸
佛者皆由惑之內外殊途須知去取今尋本末總
啓二門先以理教窮其根元後約本文釋其體相
初中二一辨非二顯是初者謂儒道二教此方無辨故不
辨之也說人畜等類皆是虛無大道生成養育謂
道法自然生於元氣元氣生天地天地生人畜萬

卷之三

卷之三

卷之三

卷之三

物故愚智貴賤貧富苦樂皆稟於天由於時命及其死也却歸天地復其虛無今略叙本末非之外計

曰夫道者虛無非有非物是故杳然冥然視聽不得

得老云有生於無莊云虛無無爲萬物之本文云

實出於虛列云無形而有形生焉此等皆謂恢形

詭狀異性殊方覆天載地行星翔鳥愚智窮通無

非虛無之道也非之曰道既是生死之源賢愚之

本吉凶之府禍亂之基夫源本基府既其是常則

禍亂而愚不可除也何用老莊之教耶又道育虎

狼胎桀紂妖顏冉禍夷齊是長惡棄善之物何名

尊乎外計天命者莊云天地萬物之父母合則成

體散則成始又曰才之殊者受之於天列曰精神

者所受於天骸骨者所稟於地語曰死生有命富

貴在天等非之曰若爾則天之賦命奚爲貧多富

少賤多貴少愚賢醜美禍福吉惡善一一例之苟多少之分在天

天何不平乎夫無行貴守行賤有德貧無德富仁

歎不仁壽義凶不義吉道喪不道興既由乎天天

何興不道而喪道耶此乃顛倒冠履尊卑無序天

之命也亦猶無恒之人易所不占何有福善益謙

之賞禍淫害盈之罰焉況故生萬物以相殘害爪牙

推述

啄噬之類豈非無道之極乎易曰天地之大德曰生若

生爲大德則死爲大賊今旣不問賢愚罪孝皆賊之以死何用生之乎又旣禍亂反逆皆由天命則

聖人設教責人不責天罪物不罪命是不當也然

則詩刺亂政書讚王道禮稱安上樂號移風豈是奉上天之意順造化之心乎外計自然曰道法自

然謂烏玄鶴白松堅棘尖鱗鳳本仁虎豹性害非

爲之所能也非之曰若無因而自然生無緣而自

然化則一切無因緣處則應生化謂石應生草草

應生人人應生畜等又應生無前後起無早晚神

仙不藉丹藥太平不藉賢良仁義不藉教習老莊

周孔何用立教爲軌則乎外計元氣者莊曰人之

生氣之聚則爲生散則爲死又曰恍惚之間而有

氣氣變而有生又曰萬物一也通天下一氣聖人

故貴一又曰天氣爲魂地氣爲魄易曰精氣爲物

遊魂爲變非之曰若云氣成人等則歛生之神未

曾習慮豈得嬰孩便能愛惡憐恣焉若云歛有便

能隨念者則一切所爲悉能隨念不待因緣學習

而成也若云初稟氣生其性本靜由感物而易者

且嬰兒一月驚畏相生一二三歲貪瞋嬌相如次

而生此乃未有師習豈因感物而易乎又鷹犬性
能搏噬因其性調之令其擊殺若先無性唯緣現
習而能成者何不調鳩羊使搏噬乎又若稟氣而
歟有死後氣散而歟無則誰爲鬼神而靈知不斷
乎今有鑑達前生追憶往事則知生前相續非稟
氣而歟有鮑靜李家曇諦
弘覺羊祜指環又驗鬼神靈知不斷則
知死後相續非氣散而歟無蔣濟之子託母求官
蘇詔卒後來與姪節問答孔子語子貢云死後將自知之未晚故祭祀求禱人皆
爲之況死而甦者說幽塗事劉聰云或死後感動妻
孥求索飲食或酬恩冤及邪病呪禁而愈等耶

王答

云問若人死爲鬼則古來諸鬼填塞巷路有其見
者如何不爾答人死六道不必皆鬼鬼死復爲人
等豈古來積鬼常存耶且天地之氣本無知也無
知之氣在人身中安得歟起而有知乎若稟得無
知之氣而能知者則草木等旣同稟氣皆應知也
由是而觀人畜萬物雖附氣而生氣變爲陰陽陽
爲風火陰爲水
土四大合散蓋是無始心神世世傳習續而爲王
也旣生死成壞從心所傳則賢愚善惡資於熏習
故仁暴由堯桀而不由天善惡在舜均而不在氣
約此道理方有教遵修求之路損益禍福之端賞

撰述

卷之三

三

善罰惡之科避凶就吉之驗矣二顯是者然六道異生皆是如來藏心合於生滅名賴耶識能取境界相續起念計我我所名爲意識造種種別業共業乘業受生稟氣成質其造業者皆因無明所發其受生者皆因貪愛所潤故遠公報應論云夫因緣之所感變化之所生豈不由其道哉無明爲惑網之淵貪愛爲衆累之府二理俱生冥爲神用吉凶悔恪唯此之動無明掩其照故情想凝滯於外物貪愛流其性故四大結而成形形結則彼我有封情滯則善惡有王有封於彼我則私其身而身

不忘有主於善惡則戀其生而生不絕文中一二別釋二總結初中三初惡業苦報

由於欲境起諸違順境背愛心而生憎嫉造種種業是故復生地獄餓鬼

解曰起諸違順者謂可意境不可意境境背等者由愛彼境境不順心便生熱惱憎嫉憎嫉故起瞋瞋故殺害逼惱打罵凌辱種種惡業從此便興亦可境稱愛心而生耽著姪盜飲敢侵奪綺妄種種惡業文無者畧也言種種者十不善等生鬼獄者三惡報也無畜生者取其文潤成句以二例知亦

可翻譯傳寫脫漏義必合有故華嚴云十不善業道上者地獄因中者畜生因下者餓鬼因然三惡道五門分別一釋名二出體三種類四身相五壽量初中地獄者梵云捺落迦此云苦器謂是盛貯受苦人之器今云地獄者地下有獄拘繫罪人受種種苦爲順此方刑獄之稱故譯云爾餓鬼者雜心云以從他求又常飢虛恐怯多畏故畜生者人之資具人所畜養之生故亦名傍生以傍行故然六趣衆生皆以第八異熟識而爲自體無覆無記性所攝故

唯識
云云

三種類者地獄三類一根本二近

邊三孤獨根本卽是八熱八寒八熱處所縱廣皆十千由旬初從此下過三萬二千由旬有等活地

獄

多共聚集苦具殘害閼絕僻地空中聲言可還等居欵然復起

等活下四千有

黑繩

繩括列鑿等

衆合

多人聚集兩鐵鉗馬象虎師子等頭山間逼之流血復令和合

鐵槽壓鐵

山墮亦爾

號叫

尋捨鐵室火起痛切號叫

大號叫

室宅如胎藏苦過前故大

也燒燃

鐵熬弗棒等燒炙也

極燒燃

三叉鐵弗下貫徹兩膊及頂又牒裹鑊煎苦亦

過前無間略說有六一

四方火刺二鐵炭煎鍛

等七

獄傍相當皆隔二千由旬八寒者亦廣十千

不言上下

初從此下

阿擇連過池下

活齊

廣大寒觸身分瘞胞

下二千由旬有砲裂

如砲潰膿血流出也

獄傍相當皆隔二千由旬八寒者亦廣十千

不言上下

撰述

第十紙十八行

六潤當作共潤謂當作因緣第三十紙十七行理當

第二十八紙十八行

謂當作因緣第三十紙十七行理當種作謂當作因緣當

大方廣圓覺經大疏中卷之四

終南山草堂寺沙門宗密述

二善業樂報

知欲可厭愛厭業道捨惡樂善復現天人

解曰知欲可厭者知愛欲心是惡道因於彼欲境

深生厭離愛厭業道者怖彼惡道不造惡因於離

惡法門

人天教也深生愛樂捨惡樂善者比由愛欲故

造惡今知欲可厭故捨十惡樂十善也現天人者

華嚴云十善業道是人天受生因人天二道亦五

門說初釋名中人者涅槃云以多思故雜心云意

撰述

寂靜故天者地持云所受自然俱舍云光潔自在
神用名天出體如上三種類者人有四洲

海中陸地謂

南闍浮提新云瞻部俱舍云阿耨達池岸有樹名

此因爲洲名提則此云洲也東弗婆提此云勝身

身勝餘洲也西瞿耶尼此云牛貨以牛貨易故北

鬱單越此云勝生以定壽千年衣食自然故天謂

六欲及上二界今此經文意唯六欲欲者希須之

心與五塵合謂婬欲等六受欲者地居相交空居

四天則如次相抱執手笑視四身量者人則南洲

大四肘或三肘半餘東西北如次倍增面相相次如

車形半月圓滿正方洲相亦爾天則四王半里餘
五次增五壽量者北千西半東又減半此洲不定

天者人間五十年下天一晝夜乘斯壽五百上五

倍倍增積年爲日倍增亦爾判云樂報龕相言之
若論人間八苦

生老病死愛怨求盛

天上五衰

華萎汗出光滅衆歇歇座

地居斫截殘害驅擯豈能免苦若於天鬼畜中開
出脩羅卽戌六道三不動業報

又知諸愛可厭惡故棄愛樂捨還滋愛本便現有爲
增上善果

解曰初略消文後具釋義初云知愛等者知其愛

照般若

卷之四

二

惡愛善俱未免苦棄彼愛心樂修捨法卽四禪八定而不知樂捨之心還同彼愛故云還滋滋增上善果者上二界殊勝依正二報後釋義者初釋禪定後釋受報初又四門一釋名二方便三出體四辨相初中梵音禪那此云靜慮謂於一所緣繫念寂靜而審慮故四無色定有靜無慮欲界等持有慮無靜唯色界四得受斯名四但依次不別立稱若分別者卽一尋伺二喜三樂四捨定者心一境性四無色界皆唯定也言無色者超過違害有色法故前三從加行得名有頂昧劣當體受稱方便者謂以六行

耽下苦罷障欣上淨妙離

伏下地惑展轉得上地定出體者俱舍云是善性攝心一境性以善等持爲自性故

大乘辯相者離欲惡不善法

有尋有伺

此二是修行對治支也

離生喜樂

修行利益支也

喜身心輕安故樂也

住初禪

於所緣審正觀察心一境性爲止定力尋等轉

滅尋伺

尋伺發三識亂故下倣此之也

內淨

二禪如淨水波生喜

一心

釋於內義唯緣法塵

定生喜樂

慶覺觀心息故如鑑淨止水故身心

悅住二禪離喜

分別想生如貪得寶還失莫若憂喜雙絕也

住捨

於已生喜

不忍可故平等正直無動安住有念於喜不行於能身受樂

正對二禪喜心浮動故說是心樂亦捨也

名身受初禪之樂如土石山頂有水

撰述

大藏經

卷三

二純土山頂有池三住三禪斷樂

如重病觀音聲先除苦

如純土山在大池內住三禪捨念

觀音聲先除苦

二禪喜滅初禪也爲對前不苦不樂捨念

觀音聲先言除苦

除過眼念亦樂受俱滅有對想

次四識和合相滅也

心緣內識作無邊色而想入無邊虛空住無邊虛空處超空入無邊

內行相故以爲名也

識處住超識入無所有處住

內皆無也何故須超事念龕故心於所緣捨諸所有寂然而住也

超此住非想

無下七地

明了非非想有昧劣想處

此中不出三界各由緣無想之想若如此患更求上進求上進時上無所緣境無所得故滅而不轉則得滅受想定若未得此定欲想爲先後想

不行則入無想後受報者由於欲界修得此定各

隨其地而生彼天此上諸天亦五門說初釋名中復有總別總云色無色者據色有無以得名界者分齊欲界雖亦有色約麤重立名以棟於色界其別釋名卽當種類謂色界四禪總十七天初禪三天謂梵衆梵輔梵王具云梵摩此云清潔寂靜謂創離欲染得根本定故

故佛地論云離欲宗寂靜

二禪三天智論云通名光音彼天語時口出光故有云彼無尋

伺亦無言語用光當語故三者謂少光無量光極淨光約光少多及勝如次立名三禪三天謂少淨無量淨遍淨通云淨者此天離喜身心皆淨別則

類光而說四禪八天謂無雲

上皆無雲
初故得名

福生

見即生福
無想外道亦居此故竟

廣果

異生福中無過此故天

及五淨居

無煩無熱善現善見色究竟

天前三

上然亦不離欲色也竟

後五聖住無色四天謂空處等

當最

離欲色也

體性如前身相者梵衆長半瑜繕那

百二十
五繕那次里

次三增半半次五增倍倍唯無雲減三

百二十
五繕那次

七還倍倍上四既無色蘊卽無分量壽量者色界

無晝夜壽劫等身量空處二萬劫餘三二二增上

百二十
五繕那次

來業等無量無邊若令有體相者盡虛空界不能

當最

容受然報有遲疾總有其三謂順現順生順後順現報者善惡始於此身卽此身受生報者來生便

受後報者或二生三生乃至無量生方受受報及時有定不定復有四句謂報定時不定等然上所說三千界內五趣三報定處定時者皆是權小教文隨宜約相若據實教大乘卽隨心見異如梵王身子一境四心等若就佛而言皆法界相本非淨穢等二總結

皆輪迴故不成聖道

解曰愛爲根本故皆輪迴不了自心故非聖道前指無明此標貪愛發潤備矣故瑣珞本業經云佛子無明者不了一切法迷法界而起三界業果迷

撰述

法界中一切色欲心故色欲心所起報故分爲欲界果報迷法界中一切色心故色心所起報分爲色界果報迷法界中一切定心故定心所起報分爲無色界果報是故於法界中有三界報然十惡業一向須除十善八定則但除其病故華嚴二地經說五品心修十善道十有漏心修是人天乃至生故從他解故成聲聞乘三自悟因緣修大悲方便不具足故成獨覺乘四以大悲方便大願修成菩薩廣大行五悟一切種清淨修一切佛法皆得成就也三地經說爲化衆生修禪定等第二勸斷文三初正勸

是故衆生欲脫生死免諸輪迴先斷貪欲及除愛渴

解曰既知生死皆由貪愛故欲脫生死先斷此二遠公報應論云夫事起必由其心報應必由於事是故自報以觀事而事可變舉事以責其心而心可反渴者喻其至切二通妨

善男子菩薩變化示現世間非愛爲本但以慈悲令彼捨愛假諸貪欲而入生死

解曰因前令斷貪愛恐有難云若爾云何菩薩亦有貪愛亦有受生故此通云菩薩示現受生非愛爲本但以大悲益人爲利欲行教化須現受生示同凡夫同事利物故淨名云衆生病則菩薩病又

云衆生病從攀緣起菩薩從大悲起示現等者悲深也非愛者智深也三顯益

若諸末世一切衆生能捨諸欲及除憎愛永斷輪迴勤求如來圓覺境界於清淨心便得開悟解曰先能除捨方可勤求如出鑽金始堪爲器問從前但云貪愛何故此云及除憎愛答由愛身愛境境違於情或身被惱故生憎也是知憎亦由愛故雖兼憎意但說愛二明種性令知者亦可前五道業報已答輪迴種性今此五性差別是答修佛菩提文中說修證故前問幾等此答五種文相承

故後文不言幾種非答此故有此三義應答菩提然更細詳復有五義宜却依前一者彌勒本疑修行者輪迴不疑五道謂由前說始終動靜乃至思度佛境皆是輪迴生死涅槃凡夫諸佛悉同起滅故問輪迴有幾種性比聞餘教祇言五道輪迴今何得三乘行人亦未能免故佛爲說由本貪欲發所疑二者非唯標以貪欲無明而乃釋以二乘外道不應是此答佛菩提三者結云是名衆生五性不言菩提五等四者彌勒四問中輪迴自有其二

初問斷本後問種性佛說愛爲根本生起五道業報令眾五道斷其貪愛至此便答種性次答化生方便最後依覺乃至證覺是答修佛菩提是則經有四門問答一義問答相可文理亦彰若將五性答菩提問則令最後剩一段經答文已終彼何所被然答菩提處不言幾等者如答幾種方便之間亦云唯以大悲方便皆將一道攝於差別悲智例等此不應疑五者菩薩性及最後文修證雖同根本別初由貪欲後依覺心若將俱答菩提二文何異經宗簡要豈合繁重然至聖微言實難究了

或舍兩勢未敢指南今就理長且依前判問五性既屬輪迴可斷不可答可除其病

病謂依本貪等不可斷

法

法謂菩薩性中修證之行

故今科云明種性令知不言斷舉

要言之此宗始自信心終於證極一一依淨圓覺性若更有一法別有自性可依彼圓覺性卽同流轉故下諸觀門一一首標悟淨圓覺以淨覺心方說修觀行等又前云如來寂滅性未曾有終始

權

菩提有始煩惱有終若以輪迴心始終之身卽是

思惟則旋復等由此五性差別之心乃是輪迴差別種性故偈云不因差別性皆得成佛道次銷文者分二一總標因

依

善男子一切衆生由本貪欲發揮無明顯出五性差別不等依二種障而現深淺

解曰由本貪欲等者然五性學人皆發出離之心皆修戒定慧行但緣不了本覺自見定是衆生遂欲斷障求真狀凡貪聖貪聖之念還是本貪所貪三乘既殊能貪隨教亦異名教熏起復有三皆不定復有錯入邪途由是激發無明遂成五性差別發揮者發揚分布令顯彰也然根本無明但迷真而已本無差別由貪欲不同故

熏發之令成五別既不了本覺則唯將二障爲本故依伏斷此二現深淺也若遇邪師教者則於我法轉增堅執故二障轉深若遇二乘則且除我執對前爲淺若遇菩薩及佛相望深淺可知二別釋差等文二一所依二障

云何二障一者理障礙正知見二者事障續諸生死解曰二門分別初總釋二障後別釋理障初中此二障者有體有義義同唯識煩惱所知謂事是煩惱煩惱卽障又能續生死故理是所知所知非障是障障於所知理故體卽起信根本無明及六染

釋法述

卷之四

九

心染心各一分義六中各二義一不覺義即此事二相生義今取相生也即此事障染污淨心展轉相生乃至執取計名能起諸業皆是連續生死義故各餘一分不覺義也及根本無明皆此理障覆翳法界真心不覺妄念生起不達諸法性相是礙正知見義若唯依法相宗說則二障數同但是用別故彼論云是心從本已來自性清淨云以不達一法界故心不相應未有能所王數之別忽然念起更無染法能爲此本故云忽然

名爲無明云爲無明所染有其染心染心義者名

煩惱礙能障真如根本智故卽寂之照如理智也故下說真如自體本有真實識知大智慧等卽經中知

字染心喧動違此寂靜故云障也

無明義者名爲

智礙能障世間自然業智故如量智也言自然者經中見字又知見俱通前是知見之性此是知見之相無明昏昏無所分別違此智用名爲智礙經雖但云理障而實通於理事論局於事智礙理障皆從所障得名也問准論配經障真如智全合取爲理障障世間智合爲事障如何上配與此參差答上已明言此障有體體在此論須如上配義同唯識與此似達此論藏疏亦云此二障約本末相依門以明不約人法二智是正知見皆所障執故與唯識義意稍殊然通釋理事二障就障理智令不明顯俱名無明就障心行令不解脫俱名煩惱經以宗於理智故總取論中二障合爲理障真如世間是理二智是正知見皆所障也無明及染中一分爲能障卽前上對唯取染中

選述

大藏圖書館大正本卷之四

卷之四

生起一分爲事障此但約過患以爲障義無所障法若欲立之卽解脫是生死相續不解脫故

所障是解脫能障是煩惱卽前下對

立其名論則但約相違爲障故六染却障真如智

無明却障世間智由此涉於相反故論自微云此義云何

微能所障不釋云以依染心能見能現妄相應之意也

取境界違平等性

染心展轉生起差別真如平等故相違也成前上句

以一切法常靜無有起相無明不覺妄與法違故不能

得隨順世間種種智故

無明冥然世智種種故相違也成前下句

上來

對會經論雖各從一勢理無違故所配釋體義誠

非謬矣總釋二障竟次別釋理障者此中所障之

法須識其體初云理障但是標名礙知見者正出

體相此宗以知見爲理故故經與論每拂病窮法

皆歸覺心不以空寂虛無便爲真極

真如是流出涅槃如昨夢

圓頓宗教顯體皆然故華嚴亦以真知爲所迷法

文云無一衆生而不具有如來智慧但以妄想執

著而不證得

智本有而未證卽知不以斷證方爲智也

若離妄想一切

智無師智

不因學得自然智修得無凝智徧聖凡卽得現

云何五性

性理述

卷之四

二

解曰然此五性皆是新薰不同法相宗中本有之說此宗推其本有之性皆是圓覺故也性相兩宗五性之義已如懸談中述今此又與彼所引楞伽等文大同小異如文詳之二釋中一總明未薰善男子若此二障未得斷滅名未成佛

解曰然五性者本以發心修證約斷二障故成五種此都不斷故非五數亦未發心遇教故言未薰若據楞伽之文似當第五無性今不取者據涅槃說無性闡提斷大善根我不能救今此但未成佛必不大惡第五自有外道種性故此非數二薰成

五性文中四二乘合爲一處說故一二乘性

若諸衆生永捨貪欲先除事障未斷理障但能悟入聲聞緣覺未能顯住菩薩境界

解曰合辯聲聞緣覺二種性也先除等者知生死苦止息攀緣故云除事尅體而言唯除初染餘但不加取著其實未能覺了故變易生死猶在意責不先悟理但先除事故有先除未斷之言然障有事有理執則有人有法煩惱則有現行習氣生死後故云但能等雖至長者之家猶在門外止宿草

1 2 3 4 5 6 7 8 9 10 1 2 3 4 5 6 7 8 9 10

庵未敢當堂故言未能顯住菩薩境界一二菩薩性
善男子若諸末世一切衆生欲汎如來大圓覺海先
當發願勤斷二障二障已伏卽能悟入菩薩境界若
事理障已永斷滅卽入如來微妙圓覺滿足菩提及
大涅槃

解曰先約地前以辯其相故言已伏言先當者似
今修證不似分別五性譯人訛也應云唯先發願
又應改悟爲順後若事理障下約入地乃至果位
以辯其相故言永斷及菩提等言卽入等者此中
但除其病不除修證故三不定性

善男子一切衆生皆證圓覺逢善知識依彼所作因
地法行爾時修習便有頓漸若遇如來無上菩提正
修行路根無大小皆成佛果

解曰言皆證圓覺者自悟本來圓覺證知一切皆
然非諸衆生皆已修證經文倒者譯人訛舛應云
若善男子證諸衆生皆有圓覺卽顯然矣修習頓
漸者證信雖圓忻趣有異遇教不同故有頓漸若
遇等者自能圓信復遇圓宗故不據大乘小乘之
根皆成佛果反明雖是圓信若志趣狹劣不遇圓
頓殊勝良緣則薰其根性成一乘等由此義故名

不定性經文闕者或略或脫若不爾者何以標云
修習便有頓漸而乃唯釋頓耶四外道性
若諸衆生雖求善友遇邪見者未得正悟是則名爲
外道種性邪師過謬非衆生咎

解曰就中曲分爲二初正明邪種然内心雖勝宿
遇邪宗旣薰其心積習成種故於聖道難起信心
後明師過意顯此性定是新薰非自本有故云非
衆生咎前諸種性亦例此知但文略也則知衆生
本同覺性但遇教成差便有大小有邪有正故知
發心之者切須善辯宗途然餘經論目第五性云
是名衆生五性差別

解曰若答菩提幾等之文應云是名菩提五性等
差別今云衆生五性卽知義屬輪迴二答修悲智
旣識輪迴之病用心免落異宗則須依解修行速
求證入然菩薩修行不出悲智二行故須明之前
問中先智後悲今答則先悲後智意表卽智之悲
卽悲之智無先無後故互明之文中二初答度衆

釋
生方便以成大悲

善男子菩薩唯以大悲方便入諸世間開發未悟乃至示現種種形相逆順境界與其同事化令成佛皆依無始清淨願力

解曰前問云當設幾種教化方便今答意云但以大悲方便示現種種形相順逆隨時無定種數言唯以者雖遇種種之機唯用此二各隨其類而應化也但有大悲必能普化但有方便必稱根宜無其過累開發未悟者令知妄法本空真法本淨示現種種等者此下明四攝法也四攝者布施愛語利行同事經文但有同事意該餘三言種種形相者卽如觀音隨三十二類而應其身逆順境界者論云或爲眷屬親友或爲怨家能令衆生增長善根若見若聞得利益故又婆須蜜女無狀足王亦斯類也令成佛者不取餘乘故法華云我本立誓願欲令一切衆如我等無異皆依無始清淨願力者菩薩因地之時必發度衆生之願乘此願力所生之處更不退轉心若疲倦卽憶昔願力以自策勵常須怨親普度勿隨憎愛之情故云皆依願力又非希望報恩亦非愛見之悲故言清淨云無始

者同體大悲稱性大願性本具足非別新得但由迷悟有發不發發卽無始二答修佛菩提以成大智

若諸末世一切衆生於大圓覺起增上心當發菩薩清淨大願應作是言願我今者住佛圓覺求善知識莫值外道及與二乘依願修行漸斷諸障障盡願滿便登解脫清淨法殿證大圓覺妙莊嚴域

解曰於大圓覺等者正明大智上求菩提對前大悲下化衆生也決定趣向名爲增上發大願者彌綸諸行速至佛果若無願力則多退轉住佛等者

決定不趣餘乘不同前隨五性故言莫值等依願修行者依願策勵如前悲中所說願是總相通悲通智故二段中皆說願力具悲智願卽菩提心漸斷諸障者理雖頓悟其空事乃漸除方盡障盡則行住坐卧一切時中觸向無非解脫故以清淨法殿喻之願滿則觸目對境一切諸法無非圓覺故以妙莊嚴域喻之城謂疆域偈讚中二初諷斷輪迴於中又二初五句示所斷

爾時世尊欲重宣此義而說偈言
彌勒汝當知 一切諸衆生 不得大解脫

皆由貪欲故 嘴落於生死
解曰長離而廣此合而略後兩偈勸令斷及明種性

若能斷憎愛 及與貪瞋癡 不因差別性
皆得成佛道 二障永銷滅 求師得正悟
隨順菩薩願 依止大涅槃
亦長離此合後七句諷修悲智
十方諸菩薩 皆以大悲願 示現入生死
現在修行者 及末世衆生 勤斷諸愛見
便歸大圓覺

上來深究輪迴因竟此下第四略分修證之位也
既顯覺智之源復究輪迴之本已知圓覺染淨無殊但未辯隨順圓覺之心從凡至聖如何差別故次明之言略分者三賢統爲一位十地等覺合之一門修則修圓覺證則證圓覺圓覺無差約修證以明位地文四初三之初

於是清淨慧菩薩在大衆中卽從座起頂禮佛足右繞三匝長跪叉手而白佛言
解之如上次正陳詞句中文二初慶前
大悲世尊爲我等輩廣說如是不思議事本所不見

本所不聞我等今者蒙佛善誘身心泰然得大饒益解曰不思議事者有三徵釋謂何名不思議心言罔及故何法不思議謂前輪迴根本種性差別卽經中事字何故不思議謂一味淨覺之中說差別雜染無乖違故謂若一向說淨一向說染則可思議今於淨中說染種種差殊染中之淨纖毫不雜故不思議故勝鬘說不染而染染而不染皆難可了知本不見聞者立相之教染淨迢然破相之宗染淨俱絕今顯出覺性染淨融通故此之前未曾聞見問答云云得大益者蕩除細惑二請後中文二二

正問

願爲一切諸來法衆重宣法王圓滿覺性一切衆生及諸菩薩如來世尊所證所得云何差別

解曰於中前是舉所證覺性後一切下問能證位地覺心一味因果階差二義既乖故須起問二結益

令末世衆生聞此聖教隨順開悟漸次能入解之可知後展虔誠

作是語已五體投地如是三請終而復始

二讚許

爾時世尊告清淨慧菩薩言善哉善哉善男子汝等乃能爲諸菩薩及末世衆生請問如來漸次差別汝今諦聽當爲汝說

三佇聽

時清淨慧菩薩奉教歡喜及諸大衆默然而聽

如上正說中長行二一明圓覺無證二明對機說證初中二一法二喻法中二初正明無證後徵釋所以今初

善男子圓覺自性非性性有循諸性起無取無證於實相中實無菩薩及諸衆生

解曰非性者指圓覺自性非前五性及輪迴性性有者前差別性皆有圓覺循者隨也圓覺不守自性隨緣成諸差別之性諸性起時全覺性起故法身經云法身流轉五道名曰衆生無取證者非當情之境無菩薩衆生者卽下自徵釋所以云二徵釋所以

何以故菩薩衆生皆是幻化幻滅故無取證者解曰約有幻垢名曰衆生對離幻垢名爲菩薩二俱假名了不可得然前輪迴及此修證皆云無者其無不同前似繩蛇此如鏡像二喻

譬如眼根不自見眼性自平等無平等者

解曰夫眼能見一切唯不能自見眼根又如眼光
照矚物時境則萬差見則是一故云平等但約於
境無分別等級之心說平等義亦無能作方便平
等之者二對機說證文二一總標大意二證位階
差前中二今初功用有殊

衆生迷倒未能除滅一切幻化於滅未滅妄功用中
便顯差別

解曰衆生若無迷惑顛倒則無差別之義故先標迷約之以明證覺差別迷倒之體卽根本無明及

三細六麤論中亦約翻此以顯始覺階位未能除滅幻化者執之爲實於滅未滅者卽論四位中前三覺前不覺後也妄功用者七地已還皆是夢中修道故華嚴有夢渡大河之喻圓明證悟始知煩惱本無則見能斷智慧功用亦是虛妄如夢中以藥治病得差寤後則藥病俱無故言妄功用也志公
云大由行得等不

若得如來寂滅隨順實無寂滅及寂滅者
解曰寂滅隨順者隨順寂滅也揀異灰滅故言如

來隨順者當體相應非謂將心順他寂滅實無等
者泯能所也一念不生前後際斷卽不見有寂滅
之法亦無能寂滅者滅之令寂二證位階差者然
修證位地五教不同一小乘果別非所明二大乘
始教定有位地自爲三說一依唯識五位一資糧
位從初發心乃至未起順決擇識爲趣正覺爲度
有情修習福智順解脫分二加行位爲入見道復
修煖依明德定發下尋伺頂重觀無所取法也忍

印無所取順無能取故世第一如實智無二取伏

除二取順決擇分三通達位亦名見道謂入初地

無分別智實證真如四修習位始從初地住心乃
至金剛無間爲斷餘障證二轉依復數修習無分
別智五究竟位金剛心後解脫道中初得一果利
樂有情窮未來際二者攝論說有四地一勝解行
地餘三卽見修無學三瑜伽等說有七地一種性
二勝解行賢三淨勝意樂初地四行正行二至七地五決
定六決定行九地七到究竟十地如來雜立爲地三終教假
說地位故仁王先觀一切空但法集故有因果方
之名亦無名相但以應化故有十地之名亦有其三一仁王五忍謂伏
忍信忍順忍無生忍各上寂滅忍下二瓔珞六種

性一習二性三道四聖

皆云種性

五等覺性六妙覺性

三天台六卽謂理卽及名字觀行相似分真究竟

等卽四頓教無位之位卽此經及起信論翻妄四

位

言無位者論結四位云而實無有始覺之異本來平等同一覺故經卽就實言無證得約妄說

別也

如下所明五圓教融通位地卽華嚴經略有七

位第二會說十信第三會說十住四說十行五說

十向六說十地第七會初六品說等覺次三品說

妙覺

然復有差別平等兩重因果上皆差別也後兩品說平等因果上

廣有五十二

位謂前五十等妙各一

諸教說十信等覺或開成合華嚴俱開故五十

二然因該果海果徹因源行布圓融二無礙故今

釋本文文分爲二明依位漸證

卽上假說

二明忘心

頓證

卽上無位初中四一信位二賢位三證位四果位

此四卽論中四位也論文逆次約息除生住異滅

四相麤細寄顯返流四位亦明始覺分齊

約真心隨薰龐

細非約利那也然心性離念本無生滅良由無明迷自真

體鼓動起念能令心體生住異滅從細至麤微著

不同先後際異先際最微名爲生相中間二三名

住異相後際最麤名爲滅相初最微者謂由無明

不覺心動轉彼淨心名爲生相二者謂此無明與

前生相和合轉彼淨心能見能現分別相續行相

猶細法執堅住名爲住相三者謂此無明與住相合轉彼淨心乃至此位行相稍麤執取計名發動身口令其造業名爲異相四者謂此無明與異相合轉彼淨心至此後際不了業報廣對諸緣造集諸業滅前異心令墮諸趣行相最麤極至於此周盡之終名爲滅相是故三界四相唯一夢心皆因根本無明之力然雖微著階差始終竟無前後總此四相以爲一念唯一心故然未窮源者隨行淺深覺有前後達心源者一心俱時而知謂旣因不覺之力起生相等種種夢念今因本覺不思議薰

力起欲求心又因真如所流聞薰教法薰於本覺益性解力損無明能漸向心源始息滅相終息生相朗然大悟覺了心源本無所動今無始靜平等平等無別始覺之異大意如此今以論文對經釋相昭然義現但論約覺染麤細經約悟淨勝劣今用論者分齊一也又因互顯兩義俱通初信位者論寄息於滅相論云如凡夫人信覺知前念起惡業定招苦報故能止後念令其不起止滅相也雖復名覺覺業故即是不覺不覺惑故謂不經文分三一標

善男子一切衆生從無始來由妄想我及愛我者曾不自知念念生滅故起憎愛耽著五欲

解曰此初一段未入信位所以有此文者不約凡迷卽無位地故先標此翻之彰信卽論文翻顯四相成四位之謂也由妄想我者我體元無妄想謂有四生九類無不皆然及愛我者執爲我故便生愛著不知念念生滅者我相本無唯心故有心旣念念無常我亦念念生滅故淨名云是身如電念念不住故論云一切衆生不名爲覺以從本來念念相續故說無始無明又上句我體卽所執也下

句我見卽能執也我見是別境中慧故無著金剛論以爲法執亦可妄想我卽我癡我見及愛我者卽我愛我慢具明我義下自有文二明聞法覺悟若遇善友教令開悟淨圓覺性發明起滅卽知此生性自勞慮

解曰善友教者卽聞薰也淨圓覺性者卽內薰也因緣旣備因緣熏義論中廣明心性朗然起滅妄念如覺夢時故云發明也昔與妄合故不自見今冥真覺起滅皆知翻前曾不自知念念生滅故禪家說日光隙塵之喻此生性自勞慮者外無實境何憎愛也

卽此生起念慮當體自爲勞役三明息妄隨真
若復有人勞慮永斷得法界淨卽彼淨解爲自障礙
故於圓覺而不自此名凡夫隨順覺性

解曰勞慮永斷者絕求作心但不隨之非謂都盡
若盡何異二乘得法界淨者若理法界則法界體
中絕諸勞慮塵境不生名之爲淨若事法界則分
別念慮之心差別塵境之法當體不生名之爲淨
何者法界淨穢皆由自心心穢則穢心淨則淨於
淨起解名淨解繫心在淨故成障礙非外所擾故
言自礙故於下結成信中證覺之相作意於覺故

不自在此名下結成信位前卽知等卽論中覺知
前念也勞慮永斷等卽能止後念等也卽彼淨解
等卽是不覺也唯此信位經論稍殊論唯約位但
云覺業經含頓悟故說覺惑二賢位

善男子一切菩薩見解爲礙雖斷解礙由住見覺覺
礙爲礙而不自此名菩薩未入地者隨順覺性
解曰論寄息於異相文云如初發意菩薩等覺於
念異異念者計我我念無異相以捨麤分別貪執
著相故著違順境名相似覺猶夢今云見解爲礙者見
前淨解是礙也卽是覺於念異雖者預顯劣後斷

解礙者超前位也卽念無異相等猶住見覺者正當此位是相似覺覺礙下結成地前證覺之相劣於登地所覺是礙故能覺亦礙由存此跡還礙覺心故不自在佛頂經云如登高山身入虛空下有微礙名爲頂地此亦如是諸礙旣盡如身處空見心猶存如彼微礙彼說地前頂位又唯識論加行偈云現前立少物謂是唯識性以有所得故非實住唯識意亦同此故論但云名相似覺此名下結成賢位慈云見真凝寂能智方融拂解超凡仍拘見覺三聖位論寄息於住相文云如法身菩薩等九地皆同覺

於念住四種相也念無住相知法唯識不起羸執以離分別人執及著外境故今分別羸念相故以異上相故云羸念名隨分覺細念既在覺道未圓今文分三一悟前非二明證相三結成位今初

善男子有照有覺俱名障礙

解曰有照者信中淨解有覺者賢位中覺礙之覺也俱名障礙者正顯前非則論中覺於念住二明證相略啓二門初總釋義後別解文初中復二二者果海離於說相以不可言障而不證斷而證故故十地經但說一分故下文雖寄對強說而但言

障礙卽覺等無別顯相二者因門可寄言說又有
二門一證理法界二證餘法界理中有五一能所
歷然謂以無分別智證無差別理心與境冥智與
神會如日合空雖不可分而日非空空非日光

始

二能所無二以卽體之智還照心體舉理收智照
體卽寂舉智收理寂而常照如一明珠珠自有光
還照珠矣終教三能所俱泯謂由智卽理故非智由
理卽智故非理同時互卽故互奪也又直顯本覺
心體非能所故故此文云常覺不住不住卽離能
所矣

教頓

四存泯無礙以前三門說有前後體無二

故謂必因能證方悟心體本絕能所故喻先因斷
頭方無能斷故肇云般若之與真諦言用卽同而
異言寂卽異而同同故無心於彼此異故不失於
照功等

融會權實也

五舉

一全收上列四門欲彰義異
理旣融攝開合寧殊次證餘者謂以無障礙智證

無障礙境境智難思復有三義一開能所謂智無

礙故一智卽一切智境無礙故一境卽一切境境

智皆有一多無礙相對論之義有四句一一智證一

一切境無法不通方成一智故二一切智證一境

具無量義智方識一座故

具百門義

三一智證一

撰述

境不壞相故_{界也}四一切智證一切境重重無盡故二合能所謂一切境皆是自心曾無心外境能與心爲緣故心中悟無盡三攝開合謂舉一全收義准心境重重無礙無盡上說_{皆圓教}今此經文當前證理其無礙境智寄在後果位中說文中二一不住證二不住教前中三謂法喻合今初

是故菩薩常覺不住照與照者同時寂滅

解曰常覺不住者念念知無所得故照與下卽能

所契合故唯識見道偈云若時於所緣智都無所

得爾時住唯識離二取相故智無所得卽此常覺卽是無分別智不住卽不取種種戲論相故離二取相卽此照與照者寂滅智與真如平等平等俱離能取所取相故此智見有相無說無所取不取相故雖有見分而無分別說非能取彼文雖局於見道而證理之義十地無殊又常覺是智不住是理_{無住}爲本常覺卽不住此當能所無二門照等寂滅卽俱泯門亦可不同凡夫故云常覺不同地前故云不住此則念無住相覺住相無故不住矣次喻譬如有人自斷其首首已斷故無能斷者

解曰如把刀劍自斷其頭頭未落時卽無能斷之義頭若已落復無能斷之人後合

則以凝心自滅諸凝凝已斷滅無滅凝者

解曰凝心者覺凝之覺諸凝者所覺之凝二不住教者謂地前未證真理難忘言教登地證理不住名言不住故名真解教故華嚴初地文云得經論智又天親論釋初地約教道證道以明行相文中二一標以喻釋

修多羅教如標月指若復見月了知所標畢竟非月

解曰夫設言像在於得意無言象而倒惑執言象

而迷真故以標月之指喻於言教謂見月須藉指端悟心須假佛教因指見月見月忘指因教詮心悟心忘教存指則失於真月執教則失於本心意令證實忘標故云畢竟非月故佛頂云如人以指指月是人應當看月不應看指若復看指非唯忘失月輪抑亦忘指二具以法合

一切如來種種言說開示菩薩亦復如是

解曰此明諸佛同以言詮顯理故文殊般若云總持無文字文字顯總持三結成位

此名菩薩已入地者隨順覺性

撰述

大藏圖書館

卷之四

解曰論中結覺性隨順可知四果位論寄息於生
相文云如菩薩地盡_{無間位也}滿足方便一念相應覺
心初起心無初相以遠離微細念故_{直云心無不}
_{同上云念無}得見心性心卽常住名究竟覺乃至以四相俱時
而有皆無自立本來平等同一覺故今文分三二
明境

善男子一切障礙卽究竟覺得念失念無非解脫成
法破法皆名涅槃智慧愚癡通爲般若菩薩外道所
成就法同是菩提無明真如無異境界諸戒定慧及
婬怒癡俱是梵行衆生國土同一法性地獄天宮皆

爲淨土有性無性齊成佛道一切煩惱畢竟解脫

解曰文有十對統而言之智冥圓覺無分別心故

十對法皆同真實何者夫覺海元真萬法非有混
融一相體用恒如但以迷倒情深強生分別違其
正理失本真常今旣返本歸真銷迷殄相對治斯
遣垢淨雙融剪拔生源成究竟覺故論云見性常
住等文中總標言障礙者標每對中上句對待之

皆礙究竟覺者卽標下句

故解脫等謂若見有障礙

可斷斷已名覺覺非究竟故障礙卽覺方究竟矣
卽是論中四相本來同一覺也又究竟覺經論文

同然此二句藥病俱亡謂無障可斷障即覺故無真可證障體即覺無別真故無斷證智但是覺故然無障可斷無是實無無真可證即不是無故十對文雖皆無二義唯真妄俱真並無真妄但妄後十對別釋一識智對無念即得其正念是智也有念則爲失念是識也論中說覺則離念念則不覺等今明念本自空元是無念故皆解脫二成破對衆緣相會曰成緣離曰破又進修曰成毀謗爲破緣無自性成破一如故皆涅槃三愚智對大寶積云癡從分別生分別亦非有癡性與佛性平等無差別四邪正對思益云住正道者不分別是邪是正五真妄對涅槃云無明本際性本解脫古德云迷則真如是妄想悟則妄想是真如六染淨對夫戒定慧翻於三毒三毒本空元是梵行諸法無行經云貪欲即是道恚癡亦復然如是三事中有無量佛道七依正對涅槃云我以佛眼徧觀三界有情無情一切人法悉皆究竟究竟者卽法性也故首楞嚴云覺海性澄圓乃至想澄成國土知覺乃眾生旣本從覺海中起卽知全同覺海覺海卽性也八苦樂對極惡業成天宮卽見地獄極善業熟

地獄即是天宮二業之念由心地獄天宮豈定心
 則本空一切清淨故寶積經有地獄三昧天宮三
 昧然諸法皆爾非唯天獄今且約敵體相違之法
 以例餘者九有性無性對有性者三乘性也無性
 者闡提性也執定相者永不許闡提入道永不許
 定性二乘成佛今則非唯他日迴心現已齊成佛
 道十縛脫對佛頂云根塵同源縛脫無二識性虛
 妄猶如空華然煩惱依識識性既空煩惱何縛上
 之十對名相雖異其意不殊但緣佛證覺心心無
 取捨故得諸法普同圓妙故但引例而已不更別

釋相卽之由二明心

法界海慧照了諸相猶如虛空

解曰法界深廣故如海也慧卽是用稱法界故無
 邊名法界慧照了諸相等者理量齊鑒無倒正知
 由分別心諸相差別今海慧離念故諸法如空又
 能照之慧離分別念猶如虛空卽同淨名云其無
 痢慧無若干也如鏡照物鏡自無心上來皆是論
 中滿足方便一念相應覺心初起心無初相也三
 結位

此名如來隨順覺性

一
機
述

二忘心頓證由前普示教跡說有淺深今直指當根安心隨順前是隨相此當離相亦如華嚴先說差別位地因果後以平等因果融之卽差別中之平等平等中之差別此中意趣正同彼也文三一忘心入覺二驗果知因三印成佛智初二一指示忘心

善男子但諸菩薩及末世衆生居一切時不起妄念於諸妄心亦不息滅住妄想境不加了知於無了知不辯真實

解曰除初標舉文有四節每節二句一妄念者攀

緣取著外法也違於覺性故令不起二若求真棄妄猶避影逃形若滅妄存真似揚聲止響三境從心現元是自心若加了知卽迷現量故經說非幻成幻論云心不見心但不生情自然如鏡照物且心體本自知覺何必更加了知知上起知名爲加矣四能知旣寂卽真實知真實卽知誰知真實如眼不自見眼等二依法頓入

彼諸衆生聞是法門信解受持不生驚畏是則名爲隨順覺性

解曰彼當根衆聞此方便心無疑惑體達分明領

撰述

受住持坦然合道亦同金剛經中不驚不怖不畏甚爲希有等二驗果知因

善男子汝等當知如是衆生已曾供養百千萬億恒河沙諸佛及大菩薩植衆德本

解曰慈云驗今聞悟頓契佛心方達宿因曩承薰習若但就現世卽是頓機若推其因已是積集金剛亦云不於一佛二佛等三印成佛智

佛說是人名爲成就一切種智

解曰謂一切種智由此而得因果相攝決定無疑是以如來印言成就又此經宗分同華嚴因該果

海果徹因源稱性互收無別先後彼云若諸菩薩能與如是觀行相應於諸法中不生二解卽同此忘心之文卽得阿耨菩提同此一切種智偈讚中

三初一偈圓覺無證

爾時世尊欲重宣此義而說偈言

清淨慧當知 圓滿菩提性 無取亦無證

無菩薩衆生

次就機說證文二初二句總標大意

覺與未覺時 漸次有差別

後證位階差文二初六句漸證四位

撰述

衆生爲解礙 菩薩未離覺 入地永寂滅

不住一切相 大覺悉圓滿 名爲徧隨順

後六句頓悟圓滿

末世諸衆生 心不生虛妄 佛說如是人

現世卽菩薩 供養河沙佛 功德已圓滿

後二句總結

雖有多方便 皆名隨順智

總結頓漸故云多方便也此文長行無也上來四

段通明觀行竟

大方廣圓覺經大疏中卷之四

校讌

第二紙一行

釋方法數
正方

第十紙十八行

與舊作以
據論改正

第三十紙五行

銷舊作遺據
金陵本改王



11

06

100

卷之三

乙
廿五